

# 隔離屋懷疑住左個痴線佬，我裝 左個監視器發現佢竟然...

作者: 忍者龜頭很硬

# 1. 我的痴線鄰居

我已經.....忍無可忍。

隔離屋個人渣，已經第三個星期開到個喇叭大大聲播歌，重要日日都係播埋啲唔知咩文，嘍哩咕嚕成個邪教咁。

最陰毒係，佢永遠都鍾意夜媽媽十一二點就定時定候播，播到鬼死咁大聲，一直去到凌晨兩，三點先會停。

重有，最最攞命係，朝朝清晨六七點就會出現啲好似鑽入你個頭咁煩既電讚聲，直到8點幾先會停。而且我每次行過個單位都會聞到臭臭地，唔知真係以為入面藏屍。

如果知道有個咁既鄰居，三個星期前我打死都唔會租呢到。而家約又簽左，呢度租又算平，我真係唔想因為個鄰居又搬過屋。

呢三個星期，我都用過好多方式去處理。我試過行去拍門同搵鍾，但次次都冇人開門，唔知條友係咪特登。

我又試過寫紙仔貼係佢門口表示我既不滿，點知過左成三個星期張紙都重係度，我懷疑佢根本就冇撚睇到。

我都試過叫包租婆同佢講下，點知佢話隔離屋果個係個男人黎，以前都好好地，係近排先係咁，話冇搞到出事就叫我忍下，遲下佢就可能冇事。唉，我就知包租婆有租收，錢已袋，一定係理撚得我..

屌...唔係租平....我真係想即刻走..

只係...三個星期咋...

我已經比佢搞到長期精神不振，神不守舍，黑眼圈重深個熊貓，食咩都冇胃口.....

我唔可以再係咁落去....憑咩我要忍佢....

一日唔解決，睇怕我都永無寧日。

我要反擊...比佢承受翻我呢種滋味....

將所有野...十倍奉還！

首先，我要知道隔離屋係咩底子先。所謂知己知彼百戰百勝，我而家除左從包租婆口中知隔離屋係男人之外，其他野一無所知。

難得今日唔洗翻工，我即刻打比包租婆問清楚，再計劃下一步點做。

我打比包租婆問，點知聽到佢啲打牌聲。佢聽完我問之後，好唔耐煩咁敷衍我，話隔離屋個男人住左兩年左右，入伙後一年就有個女人同佢一齊去住，後來唔知分手定點，得翻佢自己住。之後先開始變

左麻煩鄰居。入伙後個男人都準時交租，所以包租婆都冇去理佢或者搵佢。

「碰！喂林小姐，我真係唔係好得閒有咩留翻拜山講啦，拜。」包租婆講完就即刻收我線。

不過...我咁耐都未見過個男人咩樣，都冇聽過佢開門同關門聲。因為我平時開工係朝九晚五，所以有機會佢日日係我走左先出去，我翻黎前佢已經翻左屋企。

但係.....我連星期六日放假係屋企，都冇聽過隔離屋開門聲。有時我真係好懷疑隔離重有冇人住，但聽到每晚啲噪音就知係人為。

屌...都唔知係咪白卡佬黎。

趁今日放假，我轉登出去鴨記買左個針孔攝影機，裝左係我門口出面。無論如何我一定要睇到佢既廬山真面目。

裝好之後，我就係電腦set好個監視畫面，紀錄低佢出門既moment。

到夜晚11點左右，隔離屋再次好大聲播音樂，屌又係啲聽到心都寒既調子，聽完都成身起雞皮。

唉，唔理啦，聽日放工翻黎睇閉路就知龍與鳳。

終於，等到今日放工。成日心掛掛住呢件事，搞到翻工都心不在焉。從來未試過咁想快啲翻到屋企，畢竟今日個男人既真樣好可能已經錄到。

我快快手搭車翻屋企，落小巴準備到樓下果陣，點知急得濟撞左落個男人度。

「痛...」我摸下撞到既頭，再望向個男人果陣....我完完全全.....嚇到呆住左.....

佢....佢雙眼.....

佢雙眼係冇眼球.....

得.....兩個黑洞.....

兩個黑洞彷彿如絕望既深淵.....令人不寒而慄.....

我從未見過.....咁恐怖既畫面.....

究竟....佢係人定...怪物.....

個男人呆左呆，再跪係地下周圍摸，我先意識到我撞跌左佢副黑超。

我戰戰兢兢咁執起副鏡.....再慢慢咁遞翻比佢....我啲手汗重濕過馮盈盈.....

我發誓...我成世人都未試過...咁近距離望一個.....無眼既男人.....

個男人接左我手上既眼鏡，戴翻之後就走左。

我之後即刻跑翻屋企，飲左一大杯冰水冷靜下。

每次回想翻見到...果兩個黑洞既畫面....我個心都會震一下....成身起晒雞皮...

無事既....我林美玉平時都算大膽果類....咩saw呀人型蜈蚣我全部都夠膽睇...只係未試過係現實咁近距離接觸呢類人，先會心有餘悸姐...

帽事既....人地係傷殘人士姐我做咩驚到咁....

我抖順條氣之後，即刻去開翻個cctv睇下個男人有冇出過門口。

「5點半...度門...門左！」

個男人竟然係我上黎前冇耐出左門！cctv入面，我第一次見佢度門終於打開左.....

我屏住呼吸，目不轉睛咁望實個螢幕.....

要...行出黎啦.....

.....

.....

我.....有冇眼花？唔會掛....

cctv入面影住既.....正正係頭先既無眼男人.....

## 2. LUCIFER:惡魔之子

點算好.....我即刻再定格望清楚啲。

無眼男係望落大概米八左右，成身膚色都異常蒼白....一啲血色都冇....而且諗翻頭先....佢成個人好似冇咩力咁，比我撞一下就跌低左.....

我又回想翻佢雙眼既黑洞，真係好驚....早知我就唔裝cctv....唔知道重好.....

而家真係....你叫我點安心訓得着...

「叮！」係門開既聲...成層得我地兩戶人住，仲有間未租到出去.....仆街.....個男人係咪翻黎啦....

死啦...而家一諗起佢雙眼我就好唔舒服，再加上佢日日既古怪行為....我絕對有理由相信，佢可能係痴線既....

腳步聲逐漸行近.....慢慢咁...停左係我門口...

未住！點撚解係停左係我門口？

「叩叩.....」

我有冇聽錯....好似係我度門....

我度門...俾人敲緊.....

我望望cctv....

係佢.....

「冷靜啲先....」

雖然我把口話冷靜...但我已經完全思考唔到...

我成身不停標冷汗.....點算....佢做咩敲我門.....佢會唔會係黎擺命.....

我即刻打比我細佬阿雄，佢wtsapp我話盡快過黎...

但....遠水不能救近火....個男人.....

依然不斷敲我門.....

點解？

點解佢知我屋企有人？

明明...我翻黎度冇開過有聲既器材，照計我可以扮冇人.....

「叩叩...」

「我知你係度，開門」

個男人...終於開聲....

點解佢會知我係度？

唔係啦，拎定把刀先，等陣有咩事上黎都可以自保。

我入廚房拎左把豬肉刀之後，深呼吸左一大口氣，慢慢將門打開.....

個男人就企左係我屋企度聞先，戴住頭先副超，木無表情咁望住我。

「有...咩幫到你？...」我支支吾吾咁問佢，先前對佢既怨恨憤怒，腦海中模防過幾千次鬧佢既畫面，而家...我就成個典型連登仔咁，一句野都講唔出.....

「放心，我唔係白卡佬。」呢句就係我同佢既第一句對話。

未住，佢點知我覺得佢係白卡佬....？

「你可以放低把刀先。」

重知我拎刀？唔係盲既咩條友？

莫非有咩心眼果啲野？

「冇心眼，只有讀心。」佢依然係木無表情。

讀心？呃鬼咩仲衰過啲咩春動物傳心師，個白卡佬係想黎呢錢定點？

「好啦，唔好再咁小學雞鬧我係白卡佬啦。不如開門見山啦，我過黎係想同你做單交易。」

佢....點知.....

唔會....真係識讀心掛.....

痴媽肺，眼前舊野人定鬼黎？

咁我呢三個星期咒過佢爛春袋斷jj咪知道晒....？

「姐係咁，大家唔係咁熟，你咩人黎？講開你日日係隔離嘈生晒我都未話你！」

我都不失霸氣趁機反擊兩句，廢時比佢覺得我驚佢。

「如果唔係迫不得已，我都唔想周圍透露我身份。我叫lucifer，係惡魔之子。我而家想...」

仆街...條友原來仲痴過波台啲痴線佬，唯有撥個輪等人搞算.....

「喂.....青山係咪？想問下搵到走失病人啲報酬點計法...」

「啱....」

個電話...切斷左....

「唔好迫我發髀，我數三聲開門。」  
我見到佢...全身開始發出橘紅色既光...係一種...邪氣既感覺。

「3。」

望住佢身上詭異既氣場，有一種強烈既壓迫感....成個人進入左緊繃狀態.....

「2。」

隨住佢成個人帶比我既恐懼，令我不自覺地唔敢違背佢既命令，慢慢打開左度門.....

佢..慢慢咁向住我梳化行去，再一屁股坐底，而且身過巧妙咁避開左梳化隔離放住既衫冇坐到落去。

究竟佢真盲定假盲..由撞到佢果刻到而家，都冇見過一支盲公竹既出現...

「作為惡魔之子，眼睛係唔會影響我對事物既觸覺同靈敏。我地比起人類更加sensitive十倍。只不過，我只係感覺到，但始終都係睇唔到。

其實我今次過黎，

第一，係想反映下你真係好嘈，好騷擾到我。

自從你搬左入黎，你自編自導自演既內心世界冇一秒靜過，我係隔離屋日日聽你呢內心戲真係頂唔順，搞到我要晚晚開大個喇叭先訓到覺。

如果你可以擁有我既能力，我就會聽唔到你既內心，到時大家都好。

第二.我需要有人幫我收集靈魂。我黎人間既任務就係同我阿哥Lucius一齊收集靈魂。

人間而家太多人信耶穌，搞到天堂果邊啲靈魂塞到滿晒，相反我地魔界既人只有佢地既十分一，再有靈魂我地成個界都會玩完。

所以我老豆講左，  
我同Lucius三年內邊個收集得最多靈魂，就可以繼承我老豆個位，管理魔界。

而家淨翻半年。自從我比mia偷左我雙眼之後，我冇辦法再靠對眼魅魘人而拎到靈魂。所以，我需要一個人幫我。」

痴線....我唔想落地獄呀.....

「所以呢啲咪你地人類既謬誤囉，魔界同天堂根本分別唔大，而且地方又大又好住，風涼水冷。不過近年的人才走晒去天堂....我地就開始冇進步...

你應承我既話，你可以係人間得到任何你想要既野。包括，你放唔低既一切，世間上既權力，全部唔係問題。只要你肯幫我。」

得到....所有野？

「我知你有個人放唔低，你入伙果日我就聽到而家。有左我既能力，你絕對可以報復佢。」

我諗起..果個人.....

我恨不得將佢煎皮拆骨....我一直同自己講，如果可以令佢得到報應，我願意付出任何代價。

「睇黎，你已經有決定。」



### 3. 合約

「應承你之前，我想知有咩代價？」

始終，我都睇過唔少呢啲惡魔故，通常應承左都冇咩好結果，或者死得好慘。

「我認我地地獄啲promotion係做得唔好，天堂班友成日拎我地個名，再做我地先慢慢凝做到我地好差既形象。

其實你當天堂係共產黨，我地魔界係民主黨就得。天堂班人最叻就係組成一堆，係道德高地上面去鬧人。

我地唔同，我地會比機會去幫每一個受緊苦既人。最重要係，我地一諾千金，唔會反口。

你拎完我部分既能力，只有三件事要做，絕對係超值。

一.你要幫我手收集靈魂，其實即係幫人。只要當事人肯為佢想做既事付出代價，用佢既靈魂作交換條件。每一次都要比翻份約佢簽。每一份約，代表收集到一個靈魂。你一定要用最短時間幫我收集最多既合約。

二.你要幫我拎翻對眼，佢而家係一個叫mia既女人手上，我會一直指示你點做。

三.你要服從我既指令。任何關於呢份約既內容都唔可以向外提及。

有冇問題？」

為左果個令我家破人亡既人，絕對冇問題。

佢咁一下手指，一份合約即刻出現左。

我簽好之後，

白卡佬將佢隻手慢慢放落我心口。

「咦....男人黎咖..？」

我喝左佢一下，佢先繼續將能力過比我。

我感受到雙眼有一陣刺痛既感覺，痛到我合理眼死捏住自己啲肉。到我張開翻眼，我發現..好嘈....

我聽到既，唔係屬於我同白卡佬既聲。

「死啦....家姐唔會有咩事掛？有咩事我實同個痴線佬死過...」

係我細佬把聲...佢應該就係門口出面。

「去試用下你既能力，趕走佢。」

「係我叫佢上黎嫁嗰...」

「第三條，要服務我既命令。」

我唯有死死地氣，行左出去開門.....

一開門，細佬就不停叫我開閘比佢，佢見到我屋入面有個男人更加激動。

咦？...

我發覺...我望到佢個頭頂，刻住個數字，

6。

6？

阿雄既吵鬧聲越黎越大，情緒越黎越激動。

「家姐！做咩唔開門！係咪佢迫你！邊個黎？」阿雄以前親眼見過我比...果個賤人虐打過，之後佢一直無辦法釋懷，覺得冇好好保護到我先會令到你受傷。

「我依家好難同你解釋...一係你翻去先，我等陣再搵你。」

「比我入黎！」佢非常堅持咁搖我個閘門，就黎嘈到樓下都聽到....

對唔住啦...細佬...

我望住佢對眼，我感受到全身有一股力量上緊對眼到，眼球開始有種焯熱感....

「有咩可以..幫到你...只要討立合約，用你既靈魂...就可以換取任何野....」

點解...我不自覺地講左呢句對白出黎.....我點會連自己細佬既靈魂都想要....我突然間....對佢既靈魂好飢渴.....

「走....三日內唔好搵我...」我迫自己清醒翻小小，果個我細佬黎！為免出咩事我要即刻命令佢走。

佢個樣就好似，慢慢變得迷迷糊糊咁，成個人冷靜左落黎。

聽到我指令之後，好冷靜咁擰轉頭就搭走左。

跟住果三日佢真係冇搵過我。

點解我細佬個頭有個6字？」

我即刻問白卡佬，唔會代表佢得翻6日命掛？

「6代表住佢對某種事既怨恨或者慾望程度，越高既怨念或慾望就會有越高既數字。10係怨恨深到想殺死佢，又或者想得到某樣野可以付出任何代價。」

如果係咁.....

我對果個人既怨恨程度一定超過10.....我何止想殺死佢....

我既願望，係令佢生不如死。

果日之後，白卡佬半夜已經冇再播歌，而且電讚聲都停左，我可以話係有翻個好覺訓。

第二日我一起身，白卡佬已經watsapp我提我一星期最少要收到3個靈魂。對於未收過靈魂既我黎講，確實係有些少緊張。

唔知點解梗係覺得自己做緊壞事咁，個感覺就好像連登仔要捨棄個鍵盤行出去街當面鬧人咁淆到仆街。

我翻工同時，發覺有能力之後，成個世界都唔同晒咁。一路行一路聽到好多聲，每一下都係人既心聲，嘈到我完全集中唔到精神。

翻到公司，先發覺黎左個新intern女仔叫sandy，望落瘦瘦弱弱咁，平平無奇。但...最令我在意係.....佢頭上既9字。為左查清楚佢既怨念，我即刻向我上司johnny自薦教佢熟悉公司環境。

「我一定要殺死佢。」

「吓？」我做做下野，sandy突發係我耳邊講。

「美香姐，做咩？」佢本來心不在焉個樣比我果聲嚇到回翻神。

係佢既內心發出既聲音。

睇黎...要再深入咁問下佢....

就係咁，我趁lunch埋佢身，懶好客咁邀請佢一齊食飯。一路食，我一路旁敲側擊，希望問到佢有關佢既怨念或者慾望係咩。點知我問到佢屋企人既時候...佢既神情變得好唔自在.....

「我...冇爸爸嫁..佢好耐之前過左身...」雖然佢把口係咁講，但內心就完全相反:

我不知幾想我有爸爸....個衰人.....禽獸都不如...

睇黎...個怨念係來自佢爸爸。

今次絕對係我成功收集靈魂既好機會。

我開始用眼睛去魅魅佢，迫佢講出佢內心不可告人既秘密.....

## 4. 報復

「sandy。」

我既眼睛再一次變得熾熱。我拖住佢雙手，專心一致咁望實佢對眼。

佢個樣開始變得迷糊，成個身體慢慢放鬆左落黎。

「話我知，你爸爸對你做過啲咩。」

佢低頭回想，過左好耐，好耐，佢個身開始微微震動，抽抽噎噎咁同我和盤托出佢既經歷。

聽完之後，我心頭一緊。佢既遭遇..同我好相似，但佢遇到既人，比我遇到既更加變態...

由我成年開始，一直係身邊一同生活既爸爸...唔知幾時開始...望自己既視線多左一層...奇異既目光...

尤其當我沖完涼出黎，佢會由頭...慢慢望到落尾...

雖然我當時已經覺得唔係好舒服，但都冇採取咩行動。直至到我19歲果年.....

佢同阿媽鬧大交，阿媽一氣之下翻左外家。果一晚，佢飲到好醉....

佢半夜偷偷上左我張床，一手扼我條頸，一手瘋狂扯爛我既t shirt內衣....我想大啖既時候，佢一手將衣服塞落我個口度....我細佬就係隔離房，但係我叫唔出.....

果一晚，係我人生惡夢既開始。我重好記得，完事後，自己一路喊，一路將染血既床單洗乾淨。

我一直守住呢個秘密，以為咁樣可以保住一頭家。但換黎既，只係佢既變本加厲。每一次既抽插，都將我推落痛苦至死既邊緣...因為佢，我成日都想自殺。但為左我細佬....我唔死得....

死既，應該要係佢。

結果，二十歲果年我就搬左出黎住。但係，我個心早已比佢蹂躪得支離破碎，我變得非常自卑，我覺得自己好污糟...

甚至....我覺得自己唔配做人....

「佢....仲會迫我玩sm...每一次都會鞭打我....我.....真係好想死...

有一次...佢直頭用把刀....

割左我.....我.....我乳頭出黎....

果日之後...我偷走左出黎...我唔甘心只有我受苦，無論付出咩代價，

我都一定要佢陪葬。」

Sandy止左眼淚，眼神變得憤恨。

望住佢...就等於望住自己。今次，我要一次過將呢兩個人打入比地獄更痛苦既邊緣。就係...賜予佢地社會既死。

「我可以幫你..令佢為自己既行為付出代價。我只要，你既靈魂用作交換。」

隨即我已經將合約放係佢面前。

sandy望左一眼，佢毫不猶豫就簽左。

「由果日開始...我既靈魂早就消失左。」

放心，我一定會，將我地所有既痛苦，

十倍奉還。

就係咁...我準備左我期待已久既復仇計劃。

我知道我同sandy爸爸最大既共同點就係，沉迷女色。任何女人，只要有窿，我絕對相信欣宜佢地都會擺入口。

今次...我就要比佢知...咸濕既後果可以有幾痛苦...就住呢樣弱點，我安排左sandy幾樣重要任務。

兩日後，我一早約左sandy係麗晶大酒店門口等。

「美玉姐，我已經照足你吩咐做。」sandy望落有小小緊張，我微笑住拍下佢膊頭:

「信我。冇唔食魚既貓，正如冇唔屙西既狗公一樣。」

話口未完，我已經見到sandy爸爸行左入酒店。

隔左5分鐘，sandy個電話隨即響起，我示意佢拎比我聽。

「咁心急...我就到啦，記得沖好涼包住條毛巾等我。重有啲野同我逐樣放上枱排好，咁樣.....玩起上黎會high d...嘻嘻...」講完我就即刻cut左線。

冇幾耐...我見到..個人渣都已經係遠處行緊黎酒店...

「action！」

sandy即刻跑去櫃臺check in，我就立即搭去酒店5樓。

一切準備就緒，我既獵物聽到sandy指示後慢慢搭緊上5樓...

門一開，爸爸眼前既人，已經係我。

由佢同我對望果秒起，佢已經比我魅魘左，神情變得呆滯。我帶住微笑，係佢耳邊落左一道命令之後，佢點點頭，再一步一步咁走向505房。

我既願望...我忍受左多年既屈辱...將會係呢一刻完完整整咁奉還...  
我既血液為左即將既勝利而變得沸騰，好耐未試過咁興奮...

sandy呢個時候拎住504既房卡走向我。我摸摸佢個頭，笑住咁拖佢行入房，一齊迎接人生最美妙既一刻。

話咁快已經第二日早晨，從來未試過訓得咁好。

我打開電視，轉去新聞台。  
「一名本地男子疑有精神問題，於酒店割去50歲男子睪丸..」

「一名50歲男子於酒店被施襲，全身多處傷痕，睪丸更被殘忍割穿..」

睇黎..消息傳得比我想像中快...

「叮！」  
sandy傳左幾幅截圖比我。

「多圖 白滑 大家出左兩次  
驅風」，形形色色既標題係各大討論區出現，都係圍繞住一個50路既男人切完另一個男人春袋，再自拍上傳上網呢件事。而家佢地兩個都聲名大噪，案件轟動全城。

由於我爸爸到而家都精神未回復，已經被當係痴線佬拉左，相信下半世都只會係監倉過。

幾年前我同細佬都搬左出黎住，所以警察都冇問我同細佬太耐就close file。

「美玉姐，多謝你呀。我估唔到用兩張電話卡加個tinder就可以咁輕易引到佢地出黎。個衰人受重傷重訓緊醫院，總算得到佢既報應。」sandy特登打過黎多謝我。傻妹，呢啲係你應得嫁。

要多謝既...應該係佢。

我毅然行去隔離屋，拍左幾下門。

「阿...lu...lu咩呢？er...lucy？...我已經成功簽左第一份約，想報告翻姐...  
重有件事想多謝你，因為你，我成功報左仇啦...」我自言自語完一輪，但都係冇人應。

冇理由...今朝我好似聽唔到佢出左去啲...

話說間屋點解又臭左啲咁...

「叩叩！」我再用力搞左幾次門，終於聽到有腳步聲行緊黎...

「咔嚓。」大門慢慢打開...

我見到.....我見到lucy佢眼鏡都冇戴，空住兩個黑洞，面色非常差咁開閘門比我。

我終於....望見佢屋企內部係點....

唔怪得之...臭到咁....

入面既環境....簡直係慘不忍睹....

## 5. MIA

「入黎啦。」lucy無咩力咁行翻去佢張床度。  
我企係門口，遲疑左好耐先踏出左第一步。  
就係我第一下踩入間屋既同時，一隻甲由已經命喪黃泉。

「阿lucy...你屋企養開甲由嫁？」

「原來...呢種生物叫甲由。係我冇左雙眼之後我就冇理過間屋，唔怪得成日有野係我個身爬黎爬去。」

我見到呢個不足200呢既地方，除左廁所之外就係佢個廳，有張床放左係廳既角落。而我無辦法睇到佢地板係咩色，啡色掛...因為滿地都係垃圾，速食包裝袋，飲料盒，唔少上面重爬緊啲甲由...當然都有重有大量昆蟲死屍，唔講我以為自己去左甲由繁殖場，呢度驟眼望落都已經有幾十隻甲由。

「阿lucy，你呢衫幾日冇洗呀，你睇下上面都有甲由既....」

「唔怕話你知，我條底褲已經反轉再反轉着左兩個月。」

屌！痴撚線，我懷疑佢春袋裝既係甲由唔係精。

「咁你唔怪得人地天堂果邊咁多人去啦，你睇下你，身為咩q惡魔之子，個形象重衰撚過劉江華。」

「我都知...所以你今日黎得啱，係時候要改下形象..今日你就幫我執屋啦。」  
佢依然係木無表情咁攤左條床。

「痴線，我難得放假你整壇咁既野比我？！」我講完即刻想翻出門口走。痴線，咁撚核突既屋要我執，我入左黎聞到陣酸臭味都想嘔。

「咁。」大門一下砰埋左。

我望一望lucy，佢即刻拎住我份約搖兩下。

屌，死盲佬，我就知冇咁着數，魔鬼都係仆街黎。

我唯有死死地氣，開始將甲由一隻一隻踩死.....

我一路幫佢清垃圾既同時，發現角落有一疊相，比佢啲臭衫遮住。

我好奇拎起黎睇，全部都係lucy同一個女人既親密合照。

相入面既lucy，面色比而家更加精神飽滿，而且每一張都滿帶笑容，同而家瘦骨嶙峋，木無表情既佢判若兩人。

最令我留意既，係佢既雙眼。lucy雙眼係相入面，橘啡色既眼睛比普通人更加奪目搶眼，而且帶一點頑劣不羈既感覺。果個時候既佢，先真正擁有惡魔既氣場。



我擰轉頭望一望而家既佢，同爛泥冇分別。蓬頭垢面，不修邊幅，面頰瘦到好似營養不良咁，而且手指腳趾甲群晒黑邊，成個人一啲光彩既氣息都冇，過既似乎都係行屍走肉既生活。

「做咩停晒手？係咪搵到我同mia既合照？果堆你當垃圾清左佢啦。」lucy好黯然咁答我，原來相入面就係拎左佢雙眼既mia。

mia係每一張相都影得非常美艷而不庸俗，五官符合黃金比例，非常標緻。肌膚望落好似白雪一樣嫩滑，重要魔鬼身材，個胸起碼有c到d，呢個女人靚既程度可以話係同肥苟不相伯仲，只可以用完美黎形容。

真係完全想像唔到，一個咁完美既女人竟然會搶走lucy既雙眼。

我諗，於佢而言，失去mia可能比失去雙眼更加痛苦。

就係咁，我足足花左近二十個鍾，清左接近廿幾袋垃圾，噴左就兩支清新劑，洗晒啲臭衫，終於將佢間屋執翻正常企理。

而果疊相，我偷偷收起左。雖然佢把口話扔，但我感覺佢根本未放低。廢是遲下又怪我扔左佢個mia就麻煩。

我望一望lucy，佢已經係床訓着左。

「叮！」lucy電話震左下，一個叫斯既人發左個訊息比佢。lucy電話有將文字轉做聲音既功能，我好奇望下，呢個魔鬼都有朋友同佢傾計？

「法，過左咁耐啦都，你而家冇左對眼，我知你就撐唔住啦。如果你決定改變主意，你對眼隨時都可以比翻你。」

斯？...

對方似乎係知道佢惡魔既身份...莫非係佢阿哥盧修斯？

改變主意...又係咩意思？

睇黎，mia同佢阿哥，重有佢失去雙眼都有關係。要擺翻佢雙眼，睇黎一定要搞清楚來龍去脈先得。不過我見佢訓得咁好，而家都就半夜，我都係遲下再問佢啦。

臨走既時候，我先發現佢係床既角落，有個電鑽同一舊...唔知咩黎既野。大概手板咁大，六角形咁，似乎係用木据出黎，但唔知係咪因為睇唔到据到個形狀好參差。上面仲有幾個窿，但都係不規則咁排。我懷疑三星期前啲電鑽聲就係因為整呢舊野，不過我真係完全睇唔出咩黎。

我幫舊野影左張相，打算自己查下，舊野會唔會關佢雙眼事。

搞搞下已經凌晨四點。我急急腳行翻自己屋企，冇幾耐就訓着左。

一大早起身，就要即刻趕翻工。除左琴日未解通既問題之外，我重要煩呢個星期淨翻三日可以點收多兩個靈魂。

搭搭下小巴，我見到一對情侶行左上車。佢地個頭都一樣有個9字。

睇黎...佢地可以做我既新目標。

「今次....跳樓都唔掂.....我層樓....咁就冇左.....」聽個男人既心聲，似乎係關於錢既問題。

「點解我地會咁蠢信佢....點解....而家我咩都冇啦....」個女人既心聲，聽落似係比人呃錢，睇黎係比某個人呃左層樓，導致財困問題。

佢地落車既同時，我都跟住佢地落車。之後係個轉角位截住佢地。

「話我知...你地有咩困難，無論咩我都可以幫你實現。」我用我雙眼，一下就魅魘住佢地，個男人慢慢咁將佢地比個倫敦金佬呢左層樓既過程講晒比我聽。

原來佢兩個比左兩萬蚊個倫敦金佬，賺左四萬之後，衰貪心比埋層樓人炒。咁撚on9既人真係都唔係好想幫，但為左交數冇計啦。

「只要比你地既靈魂我，無限既財富同層樓都絕對唔係問題。」我一次過將兩份合約同時交到佢地手上。

一聽到有錢，佢地反正都冇野好輸，所以都好爽快咁簽左。

「今晚6點，中環等。」就係咁，我拎住兩份合約同倫敦金佬個電話，轉身微笑離開。

## 6. LUCIUS

就係咁，6點鐘我約左個倫敦金佬kelvin係中環一間高級cafe見面，而果一男一女係咖啡室外面等我消息。

入到去，成間cafe好細間，得兩枱客。一個男人斯斯文文，好低調係度睇緊書。另一個就着住件好醒神粉色西裝，應該就係倫敦金kelvin，真係好似于日辰話齋成個草薙京咁。

我一坐埋去，kelvin已經好熱情咁歡迎我，又讚美我一輪想博我歡心，然後就開始不停吹捧佢可以幫個客賺幾多錢。

我笑住咁一路聽一路望住佢雙眼，畢竟我都好想快啲翻屋企休息，今次速戰速決搞掂就算。

果然，佢碰到我眼神果一刻，成個人即刻呆住左，變得迷迷糊糊。

「乖，翻到去同我做兩件事。一，將余子樂層樓轉翻佢名，比翻棟物業佢。二，將你呢余子樂既錢過翻落呢個戶口。」

我將戶口字條拎比佢，佢木無表情點點頭，正準備離開既時候，

隔離枱既男人...望住我笑。

佢既笑容，非常詭異，而且帶點高傲既感覺。

究竟....呢個笑容係咩意思？

點解....我聽唔到佢既心聲？.....望住佢既笑容，我突然覺得好不安，有一種不詳既預感。

佢慢慢合上原來睇緊既書，笑笑口走過黎，然後拍左落kelvin膊頭度。

kelvin成個人即刻好似清醒翻咁，佢望望我，再望望個男人，一臉茫然。

個男人拍佢膊頭既手始終冇拎過落黎。

「kelvin, 你好，仲認唔認得我？」個男人突然開口問佢，但kelvin好疑惑咁搖搖頭。

個男人繼續講:「前兩日你地安泰搞水上party，我有過黎參加，重話遲啲介紹多幾個客比你個brian呀，喂，我記得果日你話今晚你個朋友結婚啲，你重係度既？」

kelvin呆下呆下咁，若有所思咁諗左一陣，突然間好似記翻起咁啞:「係啲....奇怪，點解我會冇左件事既？...阿林小姐我地下次傾過，我有啲事走先。」然後佢就急急腳走左。

個男人.....竟然.....可以解到我既催眠？唔係...佢唔係咁簡單....

佢笑笑口咁坐左係我對面，帶住勝利既表情同我講:「原來阿法唔肯放棄，係因為搵左幫手....不過都冇用啦。」

佢唔會冇同你講...如果你冇辦法完成委託人既要求...  
即係...毀約既話...會有咩後果掛？」佢講完之後，比左張卡片我。

「我絕對歡迎任何人加入我既陣營，放心，我知道黎緊呢一個星期，你絕對有需要搵我。」講完佢就笑笑口走左。

我望望張卡片...

佢係...lucius？

原來呢個男人，就係lucy阿哥.....

我回想起佢講既...毀約，究竟係咩意思？

lucy一直冇提過，毀約既一方會有咩後果。

睇黎，lucy阿哥存心想我完成唔到任務再投靠佢，要迫到kevin交層樓出黎變得比我想像困難。  
我急急忙忙跑翻屋企搵lucy，睇黎今次要搵佢幫忙先解決到。

\*\*\*\*\*

我一出，已經見到lucy企係走廊等我。

「我知道晒啦，我阿哥已經msg我想我投降。入黎啦。」

「我阿哥既能力同我唔同。我既天賦係魅魘眾生，憑住我雙眼可以魅魘到人世間所有既生物。同時亦都係我收集靈魂既主要能力。

而我阿哥既能力，就係可以重塑人類既記憶。只要佢摸住果個人，佢可以讀取晒全部記憶，甚至可以任意修改。

mia既記憶就係比佢修改過，先會佢偷走我雙眼，再冇翻過黎....」

唔怪得...個kelvin既記憶應該就係果個時候比佢重塑左....

「我想知，你阿哥對我所講，毀約既後果，係咩意思？」

lucy聽到之後，眉頭深鎖沉默起上黎。

呢個氣氛....真係令人好不安。

「對唔住。」

喂....咩意思.....

「當初我唔記得講....我地魔界最重視既，就係誠信。

如果我地惡魔毀約的話....

將要接受「割刑」。」

割刑？....

「惡魔既身體係唔會因為受傷而死，任何身體上既傷痕都會係第二日復原。但所經歷既痛苦就係一樣。」

割刑係魔界一樣非常殘忍既懲罰...受罰者每一日都會隨機抽一個部位比刀割三下，到第二日又重複咁抽部位割...重重複複經歷劇痛，令你生不如死。而個刑期，最短都起碼50年，最長既..500年都有人試過。」

5...500年？！

我要比人日日割割足500年？！

「我屌你老母！你而家先同我講？！」我撚起上黎隨手拎起把生果刀飛過去，一下左落lucy塊面度，留底一條好深既傷疤。

「我都知你班惡魔冇一個好人！你明知咁大獲你唔早講？而家黎同我講對唔住有撚用呀！」我撚到完全喪失理智，轉身就離開左佢屋企。

根本呢個人，一早就存心利用我，先突登隱瞞呢件事，枉我重以為大家係公平交易....

家下你不仁我不義！

我拎翻起佢阿哥張卡片，毫不猶豫打左比佢...

lucius一聽到我電話，已經即刻叫我去搵佢。

我蹦蹦地即刻截左架的士去佢屋企搵佢，估唔到lucius住係半山，應該係用佢既能力係人間撈到風山水起。

我一入到去...已經有成排既工人歡迎我，個畫面真係何其壯觀。成間屋有兩層，每層望落都有成千呎。屋來既佈置非常華麗，每一寸都有英國皇室既感覺。估唔到兩個都係惡魔個仔，一個就撈到風山水起，一個就潦倒不堪。

一個望落似管家既人過黎邀請我去見lucius，經過一條長樓梯同幾間客房後，終於，佢係一道墨綠色既大門前停低。

我慢慢推開大門，已經見到lucius笑容滿面咁望住我。

「我知道你會黎，突登叫工人買定支高級紅酒。」見住佢虛偽既笑容...比人感覺好心寒。

我突然間好後悔做咩咁衝動過左黎...其實都有得解決姐件事.....

「對唔住...我諗諗下..對唔住...  
我唔想出賣佢...」我戰戰兢兢咁講完已經想轉身離開。

點知佢突然間拉住我隻手。

「傻囡，你係幫緊佢。我已經知道...你地既合約。」係佢觸碰我果刻，佢已經讀取晒我既記憶。

咁...唔算係我自己洩漏合約內容掛...

「我都開門見山啦，我想你同我建立合約。

我既合約只有一個條件，就係阻止lucifer同我爭我爸爸個位。

我知道，你同佢本身有約。我應承你，同我合作絕對唔會違犯到你同佢既合約。

一.只要你肯應承，lucifer既雙眼我可以即刻交比你保管。

二. 我應承你上位後唔會傷害lucifer，佢可以繼續佢自己既生活

三. 你可以繼續幫助lucifer重新振作，我都唔會干涉。你只要用你既方法令佢放棄爭位就得。」

可以....拎翻佢對眼...？

「其實我都係想我細佬好過啲姐，你諗下，你唔幫佢，佢就真係咩都輸晒，而且永久失去佢既雙眼同能力。

你覺得你地而家有得同我鬥咩？

個結局只會係佢永遠失去雙眼同能力，變做一堆爛泥。而你就會因為違犯合約而受割刑。

但而家，你有機會揀，你可以選擇救佢，唔係由佢走上絕路。

你只係...幫佢唔好戀棧權位，過翻佢平常最快樂既生活，扶翻佢起身，咁樣絕對唔係害佢。唯有係咁，你同佢悲慘既結局先得以改寫。」

佢講得...唔係冇道理。以我地而家既處境，無論我同lucy，都唔會有好結果.....

反而....我簽左約，大家都可以雙贏，lucy都可以有翻佢雙眼睛，唔洗走上絕路.....

我地兩個...都可以得到救贖。

諗到呢到，我已經決定左...

只有簽約，先係我地係死胡同入面既唯一出路。

## 7. 醒覺

正當我拎起筆想簽既時候...

「咁！」有個女人突然間衝左入黎。當我回過神佢已經一手撕左我份約。

佢擰轉頭望住我雙眼，我發現.....我.....

.....我...

.....我個腦.....

諗唔到野.....

迷糊間...聽到lucius大啖個女人做....mia.....

.....

到我清醒翻既時候，已經發現自己到左屋企樓下。

究竟....發生咩事...點解我完全冇頭先既記憶？

頭先個女人望住我果雙眼...同lucy之前相入面對眼好似係一樣，散發住好強烈既惡魔氣息。而家回想翻.....果個女人.....

應該就係mia。

冇估錯的話，lucy對眼同能力已經比mia用緊，由我同佢對望果刻起，我就完完全全忘記晒中間發生咩事。無論我點回想，都諗唔起失去左既記憶.....睇黎lucy對真眼既魅魘能力，遠遠在我之上。

無奈之下，我只好翻屋企沉澱下先，畢竟所有事實在發生得太突然...

我一行出，就發現lucy屋企道門打開左，應該係示意我入去。

「lucy...我...」正當我想入去為頭先衝動既行為道歉時，我發現.....

lucy.....係幾個鍾前仲係蓬頭垢面，不堪入目，仲有陣酸臭味既佢....而家成個人煥然一新，成身既衣着變翻乾淨企理，白恤衫同吊腳褲將佢高挑既身型完美融合，腳上既鬚渣已經完全清晒，變翻白白滑滑。本身過長面厚實既頭髮經過修剪，佢原本既輪廓終於出翻黎.....望望下....真係有幾分似盲左既金城武.....

「坐底。」

面對住而家呢個佢，我突然好似冇晒抵抗力咁乘坐係飯枱前。佢唔知係邊度拎左兩袋麥記出黎遞比我。

我望一望....係脆香雞翼餐加大，仲加左三蚊轉檸茶。

「我係人間一直有留意開人類既生活，知道不少人類最豪華既舉動就係去麥記呢間高級餐廳叫加大。希望你收左呢份重禮....可以原諒翻我既失識。

多得你果刀，一下介醒左我。

我先發覺自己係幾咁浪費時間，我係由幾時開始..窩囊到連收個靈魂都收唔到。我以前...根本冇驚過割刑，呢個世界冇我收唔到既靈魂。

我應承你，我唔會輸比我呀哥。

我已經冇野可以再輸。

聽日，我一定可以幫你收到佢地既靈魂翻黎。」lucy好認真咁將雞翼遞比我，感覺佢真係想重新黎過，唔想頹廢落去。

諗諗下我都有衰衝動既....大家當打翻個和啦。

我笑住接過雞翼，同lucy一齊共進宵夜...

原來，同魔鬼一齊食野既感覺....

都唔錯。

至於mia原來同佢哥哥重係一齊既事.....我都係暫時隱瞞住先...等到時機成熟先再話比佢知。

而家最首要既事，就係要搞掂個kelvin先得。

我再次打比kelvin想約佢傾投資，發覺佢已經冇聽我電話。

情況睇黎唔係太樂觀....究竟佢修改左kelvin咩記憶...先會令到一個倫敦金佬有錢都唔搵？

無辦法之下，我唯有用lucy電話作一個身份約佢出黎，佢主動邀請我去上佢office傾。

「我阿哥唔知改左佢咩記憶...感覺上有啲唔妥...為安全起見，聽日我地都係帶啲武器旁身先上去見佢。」lucy若有所思咁警惕我。

「但...你身為惡魔冇超能力嫁咩？仲要武器？」

佢好無奈咁答我:「我雙眼係我最強大既能力來源...冇左佢，基本上我得翻兩成功力嫁咋...重要分左啲能力比你，而家既我，只可以讀心，重有用意念控制一啲野，例如開下門，熄下燈嫁咋。」

原來佢既力量八成都來自佢雙眼...究竟當初咁強大既佢究竟係咩情況下先會比人偷走咁重要既野。

無奈之下，我唯有帶把刀仔同繩旁下身，以備不時之需。

準備好所有野之後，我第二日放工就翻屋企接lucy，拖住佢一步一步走去安泰office。



佢一邊捉住我隻手跟住我行，突然間若有所失咁講左句：

「而家，你就係我對眼，我只會跟住你一個。無論發生咩事，都唔可以離開我。呢個係命令。」

雖然佢既語氣係冷冰冰，但係我耳中，彷彿感受到佢對安全感既渴望。

佢曾經比愛人拋棄過，出賣過。一無所有既佢，而家淨翻既，只有我。唯一可以信任既我。

突然間，我覺得呢個人，一直都過得好孤獨。原本再強大既惡魔，都同我地人類一樣，渴望有一個信任既人比佢依賴。

諗到呢度，心底裏出現一陣酸楚既感覺。我緊緊咁捉住佢隻手，將佢對我既信任緊緊銘記於心。

## 8. 決戰倫敦金佬

我同lucy入到office之後.....已經覺得奇奇怪怪。

只係6點幾，成間公司一個人都冇...又會收工收得咁準時既...？

kelvin

msg我去最高層既會議室入面就會見到佢。我帶住lucy一路係大廈入面差穿右插，一路發現有唔少海報都有kelvin個樣。

「跟住kelvin哥，平治冇甩拖！」

「入kelvin哥team，日日爆數！精神仔！」一路上都係啲九唔搭八既句子，重有啲用緊5p字，又刀又甘，重有句咩「賺左太多！比大家賺埋右！」  
屌，肥絲大隻過左黎做金融雞呀？！

行到最入面，有間望落成200至300尺咁大既房，上面有個名牌寫住kelvin。我拖住lucy，敲左兩下門。

但等左陣都冇人回應.....

我再敲既時候，突然lucy好大力扯左我一下。我猛然回頭既時候，見到kelvin突然出現係我後面，佢手上拎住支棒球棍正正對準我個頭揮動.....

\*\*\*\*\*

哇屌.....好攞痛.....我個頭痛到痴線.....

當我醒翻既時候，發現自己比人綁住係張公司大班椅度，我勉強抬起頭望望周圍，見到lucy暈左係我腳邊，完全冇反應....而我前面...企住kelvin同三個彪形大漢，但個個都上身爆肌下身排骨，估計應該係力威請翻黎既人。

kelvin見到我醒左，好痛恨咁行過黎，用盡全力攞左我三巴。

「死八婆！我明明話過唔想再見到你，你重夠膽同佢黎搵我！你以為你用個奸夫電話我就會唔知係你咩？！」

我屌！lucius究竟比左啲咩記憶佢，改到咁離譜都有？！

「當年我捉姦在床，見到大家紋晒身都知咩事啦！但我最容忍唔到，係你同佢係我張床搞完，佢重夠膽死着左我死鬼老母送比我對西瓜係我屋企行！呢一幕我呢世都唔會忘記！」

你個八婆比完帽我戴就走左去，你知唔知當年幾多人笑我！！話我性無能先會搞到你同佢搞埋！」

佢一路講一路蹣到成個人震晒....睇黎lucius應該將成個劇本放左入佢個腦度....

隔左好一陣，佢先慢慢回復翻平靜，再係三個力威佬耳邊講左幾句，然後面帶微笑咁走左出房。

.....咁...即係點？

房門關上之後，果三個力威佬開始set cam。其中一個重已經除晒佢啲衫褲，慢慢行緊過黎我度.....

喂！

.....

喂！！

唔好呀你！

.....

我唔想見到小力威呀....！救命呀！

.....

成三個力威佬，今舖比埋屎眼都唔夠分.....

「Lucy!!! 屌你老母醒呀！！lucy！」我不停用腳踢lucy個頭，佢重係成條死魚咁冇反應。

屌！真係冇撚用！唯有靠自己啦！

眼前既裸體力威佬已經一步步行緊過黎，一下就撕開左我件上衣。

拖得就拖先啦，我開始轉攻勢，苦苦懇求力威佬:「喂....咁乾點入呀，不如比翻啲前戲，過黎打翻個茄輪先呢.....」

裸體力威佬聽到之後，我見到佢即刻扯到行一行，再伸個頭埋黎....望我啦...快啲望住我....

點知佢望都冇望就伸條脷入黎！

哇屌....佢個口臭到鹹魚咁，如果要形容就好似加左過期腐乳撈埋肥婆西汁既味.....我差啲想嘔出黎.....

頂唔順啦.....我一野咬落佢條脷度，佢痛到叫唔出，雙眼狠狠咁怒視我！

係機會！

我即刻集中精神望住佢雙眼.....

「同我打低你後面兩個大隻佬，再解開我。」

佢神情變得呆滯，迷迷糊糊咁點左兩下頭，然後就裸體面向翻佢兩個同伴。

另外兩個力威仔仲未反應到，裸體威已經一個批爭打左落其中一個人既後頸度。一個力威仔一下子已經比瞬間ko！

「ching sickball!!!!」我忍唔住為佢歡乎！係有兩道嗰！

點知.....我真係開心得太早。係裸體威打緊既時候，第二個力威仔察覺到佢有啲唔妥，反應快速咁拎起旁邊既macbook一下扑落裸體威度，裸體威成頭血，慢慢走前兩步就暈左。

「八婆！你做過咩黎！」淨翻既力威佬，怒氣沖沖咁走過黎，用頭先部macbook再一下扑落我個天靈蓋度.....

連續比人扑左兩次.....我感覺到頭頂痛到嘶心裂肺.....

我開始....眼花花.....眼前除緊褲既力威佬開始一分二...二分四.....

lucy.....

救我.....

.....

呢度邊度黎.....

我醒翻已經發現.....有人裸住上身，一直揸住我行。

「醒啦？你好重。」係lucy把聲。

我望望自己，發現原本比撕爛既上衣，變左lucy件衫。

「發生咩事？頭先...我比人打暈左....但我下面唔痛既...姐係冇姦到？你點走出黎？」諗起啱啱真係有啲驚魂未定...手心重一直標緊汗。lucy托一托我再繼續揸住我，然後略帶歉意咁同我道歉。

「都係我....冇左對眼淨翻既能力，同一個普通人差唔遠。我一醒翻，已經聽到我後面有解褲鍊既聲，我嗌你又冇反應，於是我...用念力將我本身帶係身把刀插落佢度。」

咁重手.....唔知個力威佬有冇死.....

「....咁kelvin呢？」

「之後我聽到佢入左黎，見到房入面既情況，佢即刻過黎捉住我條頸壓左我落地....本來我就抖唔到氣，好彩比我摸到插係個男人身上把刀，我即刻拉起好大力界左佢一下.....我諗.....」

佢猶豫左一陣，再慢慢講，

「我應該切左佢下面...我聽到佢大啖巨龍冇左....應該係指....下體....」

估唔到.....lucy出手咁重.....位置真係精準...

之後，lucy伸手係褲袋拎左份野出黎遞比我，

「俾你。」

係果對男女張樓契，上面有kelvin放棄物業既簽名....仲沾有少少血....我已經想象到頭先既畫面有幾血腥。

「我都話左....冇靈魂我收唔到....」

lucy細細聲咁講，十足十啲細佬仔做錯事驚比人鬧咁，真係...有小小啦...小小可愛。

我緊緊捉住呢張，用我地血汗換翻黎既契約。我望望lucy，發現佢一路揸住我行，但走既路完全係離屋企相反方向。

冇左我既輔助，佢又唔識搭車，靠佢自己揸住我離開棟大廈行到呢到....一定唔容易....

個天都已經黑晒，望下個電話，已經成凌晨1點.....lucy應該已經揸左我都一段長時間.....

我係佢背上落翻黎，再次拖翻實佢。

「跟住我。」

就係咁，我地兩個一殘一傷，一步一步互相依靠行翻屋企。

小情侶單野搞掂之後，我地發現....

咁辛苦搵埋命搏，個收取靈魂既數量同速度都係強差人意....要迫翻lucy同佢阿哥既差別，起碼一個星期都要收到7-8個靈魂先得....

而家我人就得一個，又要翻工搵食，lucy冇左我又收唔到靈魂.....

睇黎.....要諗下辦法先得.....

正當我煩惱緊既時候，lucy開左我屋企門入左黎。

自從上次生死關頭之後，我同lucy既關係都更進一步。而家佢已經開始會係我屋企自出自入。

我地百無聊賴咁係梳化攤係度，我電話突然響起，係我細佬呀雄打黎...

佢話佢同劉牧師已經到左我屋企樓下，叫我開門。

未住.....

咩叫係我樓下？！

wtf？！

咪會比佢睇到lucy？！重有！個劉牧師又係咩一回事？！

劉牧師係我細佬教會識既，我都見過幾次，但我同佢完全唔熟嫁啲....如果佢睇到lucy身分既話....點算....分分中唸幾句野係我屋企玩驅魔就麻撚煩....

唔係啦，我都係即刻讀心去睇下佢地想點....

「我都好耐冇見過阿雄家姐....借啲意今次上去望下佢隻白滑靚腳都好....」

我屌，唔聽猶自可，一聽雞皮都起，唔怪得以前劉牧師成日叫我去教會.....痴線嫁真係人面獸心.....

「叩叩叩叩...」死啦，咁快嫁！我望下lucy，佢應該聽到晒，但佢只係揮一揮手，示意我如常開門比佢地入黎。

好啦，既然佢都唔驚的話.....

我唯有死死地氣去開門.....

## 9. 致命聖水

一開門，劉牧師就好熱情咁係咁摸我隻手，問我做咩咁耐唔翻教會。

實際既心聲，就係：哇屌...好想撕開條女條褲，再一下一下插死佢！我想搞大佢個肚呀！！

我即刻縮一縮！牧師你台灣人黎嫁...？

「佢係...」我細佬見到lucy眉頭深鎖咁望住佢，睇黎佢應該記唔起上次見到佢發生既事...

我求其話係鄰居過黎借野，lucy都好識做咁向住我地點點頭。

正當lucy諗住走既時候，劉牧師拉住佢：「既然各位弟兄姊妹有緣係度見面，一定會上帝既安排。既然係咁，不如一齊聽下上帝對我地人類既愛同偉大好冇！」

Lucy不但冇反感，仲幾感興趣咁坐翻係度聽。

劉牧師開始一邊讀經文，一邊向lucy解說，

「當年上帝賜予亞伯拉罕一個兒子，但又要求佢殺死佢既兒子，目的只係測試下亞伯拉罕對上帝既信心！」

點知lucy開始係度偷笑...慢慢重笑到成個人震晒，「果陣佢同我老豆輸賭個傻仔係咪真係癲到會殺佢個仔，點知佢真係走去綁佢個仔上山。諗起上帝果次死狗咁樣就好笑...」

屌....原來係咁嫁？！

劉牧師明顯比lucy既舉動嚇親，「呢位弟兄，所有野上帝早有預備，胡言亂語上帝係唔允許嫁。重有，上帝安排耶穌，用五餅二魚填飽左五千人個肚既神蹟就係最有名嫁啦。」

lucy今次笑到眼淚都標埋，「細個我百厭玩死晒我老豆魚池啲魚，阿蘇佢重好笑，佢唔鍾意食餅，次次早餐唔食都收埋一塊落罐度廢是比佢老豆鬧，收收下收左成幾千塊餅。呢個方法係我細個同佢度出黎清左啲過期野食佢，估唔到變攞左神蹟。」

劉牧師聽到lucy大笑，明顯開始面露不悅，佢係袋入面拎左個樽出黎遞比lucy，「弟兄既心入面實在對上帝有太多疑惑，不過只要你肯認錯，上帝一定會接納你。呢支係教堂既聖水，希望可以幫到弟兄你洗滌心靈，遠離魔鬼既誘惑。」

之後佢就唔太高興咁執野準備離開，我細佬放低手上買俾我既生活用品之後，就跟住牧師一齊走左。

「lucy你咁玩牧師小心佢秋後算帳，不過你唔講我都唔知原來係咁...」我一邊放低細佬買比我既野飲係枱面，一邊將啲生果放雪櫃。

「咩！」

死lucy，又係度偷我啲野飲。

「喂，每飲一支比翻錢我呀！」

屌，重要唔應機。

「喂！你...」

我擰轉頭....見到....

.....lucy佢....

跌左落地下，全身冇力咁趴左係度.....

手上拎住劉牧師支聖水.....

我急忙衝去扶起lucy，佢捉實我隻手，好艱難咁想發聲，但未講到一個字佢就暈左，無論我點拍佢都冇反應。

而且，我發現佢塊面...開始變得比之前更蒼白...我拎起佢隻手，發現佢原本橙啡色既血管...有大根1cm既位置變左淺綠色.....

我即刻同佢做心外壓，但係都完全冇用...

死啦.....點算呀.....果支咩水黎嫁飲到佢咁....

又唔可以送佢去醫院....

我可以點救佢....點做好...？

未住...冷靜啲先...

可能一陣姐...或者佢休息下就冇事呢...

於是我抱起佢放係我張床度比佢好好休息，我自己就拿拿林上網搵下會唔會有人知點做，順手開個突發po問下巴打。

之後我係佢床邊一直觀察佢情況，發現佢開始不停有冷汗出，而且身體會定期自己抽搐，但依然係冇知覺。我成晚就不停幫佢抹汗，又搵張被包住佢驚佢冷親。到凌晨四點幾果陣，太叻我就趴係佢度訓着左....

\*\*\*\*\*

第二朝訓醒，已經係中午12點幾事，公司打成幾十個電話比我，但我第一時間係睇下lucy點先...

仆街...佢成塊面同嘴唇青晒...而且....

佢條血管又有多1cm左右變左淺綠色....睇怕，今次真係好麻煩..



點算呀.....

我完全唔知應該搵邊個可以幫到我...

人生都未試過咁無助...

我捉住lucy冰冷既手...望住佢越黎越差既面色.....忍唔住..喊左出黎...

都係我....冇好好睇住你....而家先會咁...係我害死你嫁.....

..唔得...而家唔係自責既時候...

林美玉你冷靜啲先，喊係解決唔到問題..

我即刻上翻琴晚我開個post睇下有冇巴打有辦法..

一打開，屌你老母！

第二個留言又係啲咩暈埋右未，好攞好笑呀屌你老母！望下個user name，妖又係肥c大隻，呢一刻我真真正正感受到完全封鎖既功能重偉大過copy & paste。

之後我就碌左幾頁，都係啲垃圾comment.....

.....

咦？！

我碌到...有個叫阿媽係女人既巴打留左個tg，話可以幫到我。

雖然唔知真定假，不過而家已經冇得揀...望住lucy每況愈下既身體....

我決定要約個巴打出黎傾下。

## 10. 金鐘巴打

由於事態緊急，當日我就已經即刻約左佢出黎去金鐘一間m記傾。

好快我就去到m記門口，一入到去就見到有個男人我招手。個男人目測160左右，下下樣，毒毒地咁，有啲似那年十八果個男仔，仲束腰加皮帶，望落都算同我想像既巴打一樣既...

我一坐埋去，佢已經好熱情咁自我介紹，行為完全同佢個毒外表不符。  
「我叫刀仔，絲打點稱呼？」

「林美玉。刀仔，我真係好急，不如我地開門見山啦，你係咪知道惡魔飲左聖水會有咩後果？」

刀仔佢見到我個驚青樣，就慌忙係佢個kzone書包入面拎左本筆記出黎。

「我家族好多代之前，受過惡魔既幫助，之後就開始着手研究關於惡魔既資料。到我呢一代呢個傳統依然維持落去，所以呢本筆記可以話係經歷幾代人傳落黎，非常珍貴。」

我打開筆記，發現入面真係有幾手唔同既字跡，而且仲符有好多剪報同好詳細既解釋，例如佢地既生活習慣，落人間既目的，身體特徵咁。

不過...感覺上好似有好大出入啲...本野話惡魔有住獠牙，雙眼通紅，又咩強姦豬乸，又推呀婆落海，可信度似乎有待確認..

「你睇緊呢part係我寫嫁...現世通常都咁咁記載，我都係圖書館research抄翻黎...我諗應該我上幾代寫既會準啲既..」佢苦笑左下，揭翻前啲比我睇。

「惡魔最忌: 經過祝福既聖水  
只要輕灑係佢地既身上，惡魔能力將會被壓止，而且變得虛弱。」

唔係掛...咁啲晒成支會點....

刀仔望見我睇緊呢頁之後，佢過黎望下再向我講:「之前我家族曾經救過惡魔，所以先得翻佢地報恩幫我地屋企渡過難關。聽講果陣隻魔鬼比聖水灑到...係我屋企人肯比血佢救翻佢..」之後佢又揭後兩頁比我睇。

「惡魔原來有強大靈力，如被聖水稍為沾到，只會喪失能力一會便回復正常。  
如被大量聖水沾到，或誤飲聖水，請必須留意以下數項:

1. 確保惡魔有足夠力量復原，否則後患無窮
2. 注意手上血管顏色，如全身血管變綠，代表惡魔將永久失去能力
3. 如14天內無法救醒惡魔，惡魔將會死亡

唔係掛.....搞到死咁大劑.....

而家既佢，擺明冇足夠力量去令自己復原...

解救方法:

需令惡魔服下以下藥方:

人血

惡魔復原果實

惡魔鮮血

必需齊集三個配方，缺一不可

分量呢？！邊度搵果實比佢呀？

我發左狂咁問刀仔，點知佢話係上一代傳落黎，都唔係太清楚。

死啦...呢啲配方除左人血之外，其他都唔知點拎翻黎...我淨一諗到既人...

淨翻佢阿哥。

呢個....睇怕係唯一辦法。

今次...係我第二次到lucius屋企。同上次一樣，佢一樣開左支82年既紅酒，風度翩翩咁邀請我坐低。

佢行過黎輕輕搭左我膊頭一下，然後笑笑口同我講,

「原來係lucifer出左事...你過黎係想問我拎翻佢雙眼，姐係佢力量來源係咪？」

「重有惡魔復原果實....同...你既血.....你有咩條件？我會盡我一切應承你。」我咬咬牙，同佢坦白今日黎既目的。

lucius慢慢坐翻底，微笑咁望住我:「想要齊呢三樣野...你要付出好大代價，值得？」

「值唔值得由我決定。你講啦，係咪簽翻上次份約就得？」我屏住呼吸..等待佢既回應。

「are you crazy？你今次要咁多野，上次份約邊夠換？呢三樣野我比你唔係問題，不過我有個條件...

1. 我要你個靈魂作交換
2. 我要你對眼交換lucifer對眼
3. 將lucifer之前簽左既所有合約全部拎比我

無我既幫助，佢必死無疑。」

.....

要用我雙眼，我既靈魂.....去換翻lucy條命？

呢個代價會唔會太大.....

「唔緊要，你自己慢慢諗下。到最後，你都係要搵翻我。」

我一路翻去既路上..都諗緊lucius既說話。

究竟....值唔值得.....

又應該點衡量.....

翻到屋企，已經就凌晨一點。

我都係第一時間就去望下lucy，發現佢血管又多左一部分變左色，而且呼吸比琴日又微弱左小小..

我一邊輕撫佢額頭，一邊望住佢痛苦既表情.....lucy佢雖然係魔鬼，但於我而言，佢絕對係我生命中既天使。係佢將我係過往痛苦既回憶裏面拉出.....係佢用弱小既身軀將我係安泰入面救出...佢曾經話過..我係佢雙眼，我地兩個人，缺一不可。

係呢段日子，我可以感受到，lucy只係外表冷漠，但其實心底裏藏住一份柔情。

唉....我應該點揀...

「叮！」望一望電話，係刀仔。佢問我件事搞成點。

睇黎，我諗我要搵刀仔幫手，商量下應該點做好。

第二朝，我向公司請左大假，johnny呢個上司算係好友，畢竟佢老婆高ling都係我幫佢追翻黎。而且平事做野我都落力爽手，佢知我有事，都冇再多問就批左我假。

我一大早就約左刀仔係茶記等，佢都非常準時出現。真係好好彩比我係人生咁無助既時刻遇見佢，件事搞得掂我一定會捐廿蚊比連尼住支持下佢。

「唔該晒你呀刀仔...成日要你晒時間黎煩我件事...」

刀仔反而安慰翻我，話佢放緊sem break唔洗擔心佢。佢都算係我而家唯一可以商量呢件事既人....

我將琴日談判既事同條件一五一十同刀仔講翻，點知佢越聽越火滾，

「屌！根本獅子開大口，咁撻苛刻既條件比得出，你應承佢就真係中伏啦！」佢一路講一路撻到拍枱，搞到我都有啲唔好意思。

「我都知...但我真係冇晒辦法...」

「講真，lucifer如果知道條命係咁樣換翻黎既話，到時佢重要冇啲合約，分分鐘重痛苦過而家呀。我唔信我地咩辦法都冇...我同你兩個合而為一水乳交融既話，一定搞得掂！」

咩撻野水乳交融？！條友中文u嫁？

隔離兩枱聽到重都係度陰陰嘴笑..屌...

「你唔介意既話，我地可以試下係lucifer屋企着手，睇下有冇咩線索救到佢。」

我點頭表示認同，無論如何，我都希望盡力搵到其他辦法救到佢..

# 11. 魔界

我帶左刀仔翻左屋企，拎左lucifer身上既鎖鑰就開始入屋搜索。

雖則話上次我幫佢執過屋，但其實我冇真真正正咁開過佢啲私人野黎睇..

我同刀仔分頭去搵佢啲野。我負責由lucy既書枱開始搜刮，枱上面都係啲零零散散既野，例如文具，memo紙呢類無聊野。

枱下面有兩格櫃桶，一格係放啲男士用品，例如髮jel，剃鬚刀果類。

而第二格...係一本黑色記事簿，上面印有diary既字樣。望落都幾厚下，而且簿入面比啲相撐開左小小，似乎係lucy既日記...

我打開第一頁開始睇，大概係記錄左佢由魔界開始黎人間既生活。望翻日子，佢並冇每日都寫，睇黎淨係寫底左佢覺得比較特別既日子。

「2017年1月5日

今日同mia去左人間一個叫日本既地方睇，果度有樣叫櫻花既花種，魔界都未見過，好特別。

2017年5月6日

傻女mia今日生日，我幾辛苦先整左個蛋糕仔比佢，重送左佢成日話想要既結界石比佢....佢笑得好甜，好開心....

2017年8月9日

呢排mia好似...成日有心事....心不在焉咁...唔知係咪我激嬲佢....真係令人擔心..

2017年12月24日

人類既平安夜真係好特別...四圍都好熱鬧....但mia竟然話有事唔得閒陪我過.....我好掛住佢...

2018年2月4日

mia已經越黎越少翻屋企...我同佢既話題都好似...變得越來越少...究竟係咪我問題.....

2018年5月9日(呢版既字體非常古怪，完全唔對位)

點解.....點解mia會咁對我.....一定係我阿哥迫佢咁做.....點解要咁對我.....」

日記就係呢頁停左，再冇寫落去。

由日記睇得出，

佢同mia曾經有一段好幸福既時光，但

mia最後唔知咩原因傷害左佢。

佢真係好愛mia，同時因為咁，傷得佢最深既，都係佢。

「喂！有發現！你睇下呢舊野！」刀仔突然好激動咁嗌左出黎。佢手上拎住既...係之前lucy用電鑽鑽既果舊六角形既唔知咩野。

刀仔一邊研究，一邊打開佢本筆記既其中一頁遞比我睇。

「咦...舊野個形狀同你筆記上面既呢舊野咁似既？叫做...傳送器？」我拎起舊野黎睇，發現個外形真係同筆記入面描述既魔界傳送器有七成似。但有啲鑲嵌位個位置就有出入...莫非當時lucy日鑽夜鑽，就係想靠佢翻去魔界？

刀仔拎翻我手上舊野黎仔細研究左一陣，「或者...如果我地可以整翻好個傳送器，所有材料就可以係魔界拎都唔定！」

我同佢聽到呢個方法都異常興奮，原本既死胡同即刻出現一線生機。

放是我地開始拎住草圖打磨傳送器，刀仔整起上黎真係似模似樣，連上面精細既圖案都刻到一模一樣。

大概用左20幾個鍾，到就整好既時候已經過左成晚..我見刀仔已經整到雙眼個黑眼圈出晒黎，都覺得好唔好意思，就建議佢訓陣先。

點知佢比我更早出聲:「美玉，你已經成幾十個鍾頭冇訓啦...我見到你個人憔悴到，望見都心痛。一係你訓陣先啦，我差小小，整好叫你醒。」

刀仔真係好細心，我諗諗下自己為左lucy既事真係已經好耐冇訓過覺...

有咩事等我休息下先再算啦.....

到我醒翻果陣，發現自己足足訓左成24個鍾！冇錯，好似訓死左咁完全冇知覺，死咗咁又冇左成日，明明而家既一分一秒都好珍貴....

我望望隔離既刀仔，發現佢一早已經劏到訓左係工作枱上面。而佢手上拎住既傳送器....簡直係完美....

完全同圖入面冇差過一分一毫....

所以話，有時真係唔好睇小毒撻，佢認真起上黎連自己都驚..

我拎起佢手上既傳送器，見到中間有個鑲嵌位。睇黎要啟動佢，應該係要塞啲野入去，但我完全冇頭緒係放咩入去。

我翻開筆記再細心搵下有冇線索,

「每個惡魔都有自己專屬既結界石，通常係由魔界父王親手頒發，化表惡魔已通過考驗，可以往返人間收集靈魂。

因此，結界石為惡魔成年的象徵，同時為傳送器的主要動力來源。」

....係結界石..

我回想翻起lucy既日記，個傻仔竟然將咁重要既野送比mia做禮物...

睇黎....我要諗辦法係mia身上拎翻粒石先有機會救到佢...

刀仔過左一陣都訓醒左，我即刻同佢講左結界石同mia既事，始終同佢商量下點做好過自己亂咁黎。

「照你個版本，就係mia呢個女人原本係同lucifer一齊，之後唔知咩原因分手，而且佢重拎左lucifer對眼同結界石。

而lucifer既角度，就係因為佢呀哥擅自修改左mia既記憶，所以先令mia做出呢種唔尋常既舉動。」

我點點頭，刀仔既解釋冇錯。不過mia似乎唔係突然間改變態度而分手，根據lucy本日記，mia既態度早係半年前有改變，有機會佢阿哥好早好開始預謀點利用mia傷害lucy。

而上次我仲係lucius間書房見到mia咁輕易衝入黎，mia離開lucy之後應該同lucius有親密來往或者關係，本身行事小心既lucius先會比佢自出自入。

「聽你咁講，我地其實對mia既了解都好少..但佢偷得lucifer對眼又點會肯還翻比佢...如果可以既，我prefer智取多過硬碰硬。」刀仔講既野都不無道理，加上mia有強大既魅魘能力，並唔係一個易對付既人。

「叮！」

正當我地苦惱緊要點做，突然間有個陌生電話號碼wtsapp我。

「I am Mia. Can we meet at 7:00 today? I have something need to tell you.」

雖然唔知點解佢會有我電話，但mia主動搵我係完全出乎我意料之外。

雖然我都對呢個女人有所戒心，畢竟未知佢咩目的搵我。我同刀仔商量過後，決定由我去應約，而刀仔會係應約地點外面暗中觀察，以免我又比mia魅魘到唔知做左啲咩出黎。

準備好所有野之後，我翻翻屋企再望一望lucy。佢成隻手既血管已經變晒淺綠色....

你等我，無論如何我應承過你，點我都唔會放開你隻手。



## 12. 後悔

7點正，我已經到左mia約我既餐廳入面，刀仔就扮顧客坐係另一枱觀察，佢再三提示我千其唔好望住mia隻眼，怕我會比mia擾亂心智。

7點3左右，我終於見到mia係門口行入黎。佢真人望落比起相片更加動人，更加美艷，着住低胸貼身裙既佢身材玲瓏浮突，一入黎已經吸引左全場男士既眼睛。坐係佢隔離既我，根本就等同比佢公開處刑。

佢一見到我就過黎捉住我隻手，好真誠咁望住我，一臉親切咁講：「美玉姐，百忙之中重要你抽時間出黎，真係好對唔住！」

老實講，明明大家唔係好熟，佢咁熱情真係搞到我好唔自在..

刀仔見狀係對面枱係咁比眼色我，提醒我唔好望佢隻眼。

我即刻成個智障咁望住張枱同佢講野，一下都唔比自己同佢有眼神接觸。

「mia，你不如開門見山。係咪lucius叫你黎？」我抱住猜疑既口吻問佢，點知...佢突然間流眼淚..

wtf?! 全場男士開始敵視我，以為我蝦佢..

「喂...好地地喊咩春...」我一邊望住枱講，一邊將紙巾遞比佢。

mia一邊抽泣，一邊同我講：「美玉姐...係我偷偷地瞞住lucius黎見你嫁...

我知道...lucifer佢..出左事係咪...？」講完之後佢喊得仲更加犀利，我只好一邊望住張枱一邊拍佢膊頭安慰佢。

「你應該...知道我同lucifer過往既事啦...我真係...好後悔.....但全部都係因為lucius佢修改我記憶我先會咁對lucifer.....」

「mia，你慢慢講清楚啲好冇？」

mia勉強住止左抽泣，哽咽住咁答我：「前排...我入lucius書房...打爛左佢樽還憶香....我聞到之後，記得翻我所有原本既記憶.....原來我係咁愛lucifer，點解我會傷害佢..我恨不得殺死自己救lucifer....」佢一邊喊，一邊將佢頸上鑲住一粒紫色水晶既頸鍊除落黎遞比我。

「美玉姐...呢粒係lucifer當初送比我既結界石。我求下你，我之前已經係lucius口中知道左佢情況...你一定要過去魔界既魔林入面摘到一粒果實比佢...我求下你.....」話口未完佢又喊....睇到我都有啲心酸....睇黎mia都係比人利用，佢個心一直都好愛lucy...

「美玉姐，lucius重未知我知道佢對我做既事，我暫時未可以離開佢幫你住....你拎到果實之後，我應承你....我會還翻雙眼比lucifer....補償當初我既過錯.....」

見到mia痛不欲生既樣，正常人都會為之動容...更何況佢連結界石都肯比我.....

「mia...lucy知道你原來係咁愛佢.....佢一定....

一定會再次翻翻你身邊.....」我接過結界石，安慰已經喊到淚人咁既mia。

雖然係咁講...但係個心始終

係有啲...唔舒服既感覺.....

lucy，你要等我。

你最希望見到既人，到時就會係你身邊，等待住你甦醒.....

我離開左餐廳之後，同刀仔一齊行翻屋企。不過佢始終對mia既信任有保留，一路上不斷對mia有各種猜疑。

「根據連氏定理，世界上90%既女人都係雞黎，淨翻10%係肥婆。淨係佢既外表，已經足以令我無辦法信任佢。」

我無奈咁問:「有冇啲有建設性小小既理論？」

「佢咁愛lucifer既話，點解唔自己去魔林摘果實？我地兩個都完全對魔界一無所知，叫我地去容咩易出唔翻黎？」

「咁佢驚比lucius知道佢出賣佢的話會好大鑊掛...佢頭先有同我講話lucius只係當佢做收靈魂既工具，有時收唔夠數重會打佢..佢都肯比粒石我，姐係個心都想救lucy啦..」

刀仔聽到我既說話，雖然覺得言之有理，但始終覺得靚女+真愛=陰謀，可能刀仔都曾經比人傷害過，所以對靚既女人處於極度唔信任。

我同佢一直拗到翻屋企都係冇結論，大家最後都決定，有咩事等拎到果實再算。

我拎翻個傳送器出黎，將紫色既結界石鑲左入去。

按照指示，再向外擰一圈，傳送器慢慢發出紫色強光，我同刀仔都比啲光照到睜唔開眼...

過左一陣....一個時空咁既結界入口出現左係我地面前.....

我終於...成功開啟左魔界入口.....

我同刀仔一齊行入去既時候，刀仔竟然俾入口既氣場彈翻出去，一下趴左落地，呢下應該跌得幾痛。

「我有你既能力...應該入唔到去....」刀仔重趴左係地下未起到身....

睇怕...都要我自己入去....

冇刀仔陪係我隔離，話唔怯就呃你既...

不過事到如今，我已經冇得翻轉頭。

「刀仔，幫我睇住lucy。係救到佢之前，我一定唔會死，煮定個麵等我！」未等刀仔回應，我已經走入結界入面。

我行左幾步，發現呢度係一個只有銀白色既空間.....周圍完全咩都冇。

我望翻轉頭，個入口已經消失左...

係呢個空間我望唔到任何邊界...慢慢我已經唔係好分到上下左右.....

我一直行，一直行，行左唔知幾耐，前方逐漸出現左一個紅點！我即刻衝去紅點方向，越行得近先發現，原來佢係呢個空間既出口。

行出個出口，我發現自己到左一個非常詭異既空間，成個天空只有一片血紅色，非常混濁不堪。地下全部都好似經歷過旱災咁乾涸裂開，氣氛一片死寂，了無生氣。如果要形容，真係好似入左dark soul個景咁，不過全部畫面變晒血紅色咁解。老實講，我淨係望住呢個地方已經打從心底感到恐懼同不安。

我沉住氣咁開始慢慢係呢片乾地上面行，成個地方鬼影都冇...寸草不生..

根本完全唔知自己行緊去邊....

就係咁...我一直行左唔知幾耐...越行越覺得呢度非常侷束悶熱.....好口渴....好辛苦.....

我唔得啦.....

.....

咦.....前面.....

我見到.....前面好似.....有一片樹林咁既野！

先前啲飢餓難耐既感覺頓時俾發現樹林既喜悅掩蓋左，樹林入面好大機會有果實！

希望就係前面！估唔到比我預期中容易搵到，會唔會太順利！

## 13. 魔林

我行左大概有半個鍾左右，終於行到去一片廣大既樹林面前。樹林旁邊有條小路，我一直沿住小路行，發現四周圍繞住唔少生得非常茂盛既大樹，成件事真係怪異到極點。剛才我先係完全乾涸，寸草不生既旱地行過黎，但一踏入呢個樹林已經變左泥地，而且整片樹林都非常茂密，同頭先既景象截然相反。

但係....點解呢度全部得樹，一粒果實都有...

之後我又行左一段時間，見到開始有圍欄，有個牌標示住禁止進入。而圍欄入面，有間小鐵屋，旁邊有棵橘啡色既大樹，上面有一個個飽滿既果實。

但係....樹下面堆放住一堆屍體同染血殘肢....斷手，斷腳，斷脛....連斷丁都有幾條.....都有唔少已經耐到變左白骨...成個畫面真係血腥到極點...

「請問有冇人....我想問下啲果實點賣？」

硬闖既話，我驚下個斷手斷腳果個一定係我...都係詢問下點拎啲果實重好。

屋入面既人聽到我既叫聲，慢慢行左出黎...出黎見我既，係一個貌似80歲既阿伯，比我感覺似最傳統果種智慧老人，而唔係好似香港啲廢老妹妹下。

佢見到我，打量左我一陣，就邀請左我入佢間小鐵皮屋入面坐。睇黎個阿伯都唔似難搞既人...

坐埋去之後，佢仲好客氣咁遞左杯茶比我飲，雖然杯茶啲味怪怪地.....

「阿妹，我地啲果實唔賣嫁。」老伯一路飲茶，一路答我頭先既問題。「惡魔復原果實係非常珍貴，淨翻我呢度先有...一直都有唔少人冒險過黎偷，出面一粒惡魔復原果實既市價已經高到可以係魔界衣食無憂。但你都見到，偷野既下場會係點....」

我望一望出面既殘肢同屍體，個心的確涼左下。

「咁點樣先可以得到你既果實？我真係好急要黎救命！」我苦苦哀求老伯，希望佢可以網開一面比一粒我。

老伯只係苦笑搖頭：「阿妹，只有魔界之王落命令先可以拎果實，如果你有皇族既指令比我，我先可以比你。呢度行過去大概兩星期左右就到。」

成兩星期？！到時lucy一早死左，唔得...

「老伯，無論如何我都一定要果實....你出咩條件都得...唔係嫁話...唔好怪我格硬黎.....」見佢老人家，我壯起膽試下兜下佢，希望可以迫佢比粒果實我。

「你知唔知，80歲既老人只係我既表面形態。如何你係都要拎我既果實，除非你可以擊倒真正形態既我。」

真正...形態...？

「但係我解開真正形態之後，我會變左一頭冇理智既猛獸，逢人必殺。要得到果實，除非你踩過我條屍行過去。」老伯又飲左啖茶，語重心長警告我。

「如果你係都要開戰...對唔住，得罪啦伯伯。今日我唔拎到果實，我一定唔會走。」我非常堅決咁望住佢。

老伯聽到之後，嘆左口氣，慢慢將手上既茶杯放低...

佢雙眼合起，身體開始發出奇異既青光.....

原本仲矮過刀仔，駝住背完全無殺傷力既老伯...發光之後身型一直變大....大到.....撐爆埋間鐵皮屋既屋頂...

身上既膚色由肉色變做橘紅色，身高成三米幾，全身既衫已經比肌肉撐到爆開晒....而且....佢既血盆大口入面露出一隻又一隻既尖牙....感覺成個進化左既hulk咁既怪物.....淨係望見我都已經震到郁唔到.....

我屏住呼吸，慢慢退後幾步，發現成間屋咩武器都冇...仆街啦今次..

我唯有拎起阿伯個茶壺做武器先...

呢隻三米紅色hulk進化完，就開始發晒狂咁周圍抓周圍望，係佢眼前既所有野都比佢整到爛晒。趁佢未見到我，我即刻抱住個茶壺衝出屋外，一直向棟樹度跑。紅hulk唔知係聽到我啲腳步聲定點，一下走出間屋，兩三步就已經追到去我後面。

哇屌！今鋪真係契弟走得摩，家下我敢肯定跑得重快過保特，遲半秒真係會命都冇。但隻野已經越黎越近我...點算好！！

情急之下我將阿伯個茶壺一野擲落佢個頭度，點知...個茶壺就碎左，佢個頭就咩事都冇...仆街...點同佢玩呀大佬.....

佢比我攻擊完之後更加暴躁，發晒狂衝過黎我度，一手捉住我隻腳...

我個心涼左一下.....佢真係捉住左我隻腳....用盡力一下將我成個人拋去棟樹度.....

我成個人一下撞左堆樹枝度，塊面同手臂比樹枝刮左幾條極深既傷痕，痛到入心入肺。隨後我由成米高凌寫跌翻落地下，另一隻手落地即時骨折，清脆咁咁左一聲，我成隻手肘移晒位，果種非一般既劇痛迫使我忍唔住大叫左聲。

但頭先比我撞一撞棵樹，因禍得福，有粒果實連樹枝跌左係我隔離！

我執起粒果實袋好，即刻忍住劇痛想衝出圍欄出面！點知跑左幾步，又比佢一下捉住件衫，再狠狠咁比佢擲落鐵絲圍欄度，個頭重重咁撞落去，成個腦震左下咁，開始唔係好聽到野..再係咁落去....我只會比佢虐待至死...

我勉強迫自己爬翻起身，先發覺除左手骨折，條腰都跌到凹左，似乎盆骨都移左位...成身每郁一下都

痛到想死..

我掙扎住走向紅hulk面前，想用眼睛試下魅魘佢...點知發覺.....自己好似冇晒能力咁..雙眼完全冇熾熱感.....

莫非....係頭先杯茶.....仆街！

一個唔留神，我又比佢捉住我擲落禁止進入個牌到，衝力大到成個牌都跌埋落黎，我連左腳腳趾骨都斷埋，條腰都聽到清脆咁咁一聲...

點知....隻怪重未打算放過我...

佢喪失理智咁衝過黎，將佢既尖牙對準我，一下咬左落小腿度...

「呀!!!!」

撕心裂肺既劇痛由小腿傳黎，小腿即時拮穿左一個大窿，血如泉湧咁不停流出....成條褲都浸滿左鮮血....

怪物嚐到鮮血後，似乎更加興奮，即刻想張開口再吸取我既鮮血....

千均一髮之際，我用盡最後一份力氣，忍住劇痛拎起旁邊禁止進入既鐵牌，將牌下半部連住既圓柱狠狠咁擲落隻怪度！個位啱啱好插左落怪物既眼球，佢即時痛到跌左落地，發狂打滾，暫時停止左對我既攻擊...

我忍痛一仆一拐咁走出左圍欄，搏晒命咁向樹林一直行，一直行....後面隨住我既步伐拖出一條血路....身體每一部分都出現撕裂般既劇痛.....

撐住呀林美玉....

你唔死得住.....一定要翻出去.....

絕對唔可以死係度.....

仲有人....等緊我.....

勉強堅持住行出左個樹林，我已經全身痛到趴左係乾旱既地上面....已經痛到.....企唔到起身...

你老母....真係痛到...個頭好暈...痛到想死.....

我掙扎住趴左係地，一下，一下咁向前爬，爬左唔知幾耐.....我已經開始痛到冇咩知覺..好劫.....

眼皮....好重.....我.....

撐唔住.....我....好...暈.....

係我快要失去意識既一刻，前方....突然出現翻人間既入口.....

lucy...

只要我爬到過去....lucy就有救.....

撐住.....只要爬到過去....到時點死都得.....

抱住呢個信念，我用盡晒全身最後既力氣，爬翻入人間既傳送通道.....

我見到....入口既另一面.....刀仔係度呼喚緊我.....

「林美玉！快啲出翻黎.....我等左你一個星期啦.....我好擔心你呀.....」

我朝住聲音伸出手，我感覺到有人捉住左我。

我向佢露出安心既微笑，慢慢失去意識.....

...呀...全身都郁唔到...但都傳黎陣陣痛楚....

我張開眼，發現自己係私人病房入面，全身都包到成個木乃伊咁，骨折既手同腳已經打好石膏固定，小腿既傷口已經包紮好。我個頸椎都比頸套固定住，想左右望都好辛苦..

死啦...今日第幾日啦.....lucy佢而家點樣..

刀仔人呢？我明明記得好似係佢拉翻我出黎...

「咔嚓。」病房既被打開，我勉強碌隻眼望過去，

係mia。

見到係佢，我就好條件反射咁眼球自然向下望。

mia急步行過黎，露出心痛難過既表情，撫摸住我每一處傷口，「美玉姐..都係我唔好...我唔應該叫你去..」講完佢又開始係度喊。講真，我唔想再浪費時間，我即刻問佢關於lucy既情況。

「今日已經係...第13日....如果今日之內再唔救佢，lucifer佢就會翻唔到黎。美玉姐，見到你冇事就好...」

已經..第13日？原來我已昏迷左咁多日...死啦...我而家傷成咁重點去救lucy...

「我想搵一搵我朋友刀仔。」刀仔應該係送我入黎既人，無理由佢唔係度嫁。

mia聽完話:「我過黎探你既時候見到佢，我見佢幾日冇訓過，叫左佢翻去休息先，我幫手睇住你。」

刀仔竟然一改常態比mia睇住我？唔通...佢都覺得mia今次係真心改過？

mia捉住我隻手，非常誠懇對我講:「美玉姐...lucius已經知道左我出賣佢....我情急之下傷左佢拎到佢

既血...」佢拎出一個小樽，入面的確有橘啡色既血。佢仲露出佢怖滿抓痕既傷手比我睇，形容佢為左拎呢幾滴血受盡lucius既虐待同攻擊，幾經波折先跑到出黎見我。

又真係....傷得好重...lucius正一人渣黎.....

mia佢....為左lucy真係可以有好多犧牲.....睇黎佢係真心愛lucy...

唔係lucius搞鬼，佢兩個應該早已認定對方，幸福快樂咁生活緊既....

「咁...lucy佢拜託你啦。果實同我屋企鎖鑰都係刀仔度..你一定要救翻佢。」我用真摯誠懇既眼神望住mia，表示我將所有既信任都交比佢。

今次，唯一救到lucy既希望只係淨翻佢。

佢見我終於肯露出信任既眼神望住佢，露出興奮既笑容，眼球開始發出橘色既亮光.....

我...抽離唔到.....佢既目光.....

mia.....點解.....

.....

....刀仔.....你

...你..係啱嫁.....

「多謝。」呢句係我失去意識前，聽到既最後一句說話。



## 14. 化敵為友

.....

呢度.....邊度黎.....好黑.....

黑到睇唔到野.....

我發現...隻手已經郁得翻，我伸手向外周圍摸，摸到自己訓左係同之前唔同既病床上面，旁邊有個櫃，上面好似放住水壺形既物體...

「冇冇人...可以開燈？」我一路摸黑想行落床開燈，但隻腳既骨折同小腿傷重未好翻，一落地就跌個踉蹌咁趴左落地下，聽到一陣好嘈吵既跌野聲，應該係我跌一跌整散左成車野。

我繼續向前爬，四圍都係障礙物...燈制究竟係邊...？

「刀仔！lucy！你地係唔係度？」我真係好不安...點解呢度會黑到咁....仲感受到有野曬住我個身....好熱...

「咋嚟。」

房門再次被打開，我聽到有腳步聲慢慢行近我，然後我感覺到自己比人一下抱起左放翻上床。

「晨早流流就嘈生晒..」

把聲....係lucius.....

我即刻失晒控咁尖叫，再發狂咁想走，又一下跌翻落地下，掙扎住咁爬去前面..

「你想點呀！捉我黎呢度！又唔開燈！有咩目的？」我連珠轟發咁一炮過問佢，點解我會係度？！今次佢又想點！？

lucius發出一口嘆氣聲，又一下抱起我放翻我落床。

「慳翻啖氣啦，你望下你而家個款，又唔睇得又唔用得，又殘又盲，而家捉你翻黎有鬼價值咩？

我以為我已經夠慘...見到你真係即刻覺得好勵志，原來有人慘過我咁多。」

lucius坐左係我隔離，一邊幫我換紗布一邊獨自歎氣。

未住.....又殘又...盲？

我盲左...？我...盲左？

我摸摸自己雙眼.....發現.....

只係淨翻兩個黑洞.....

「點解會咁.....點解....」點解我對眼會冇左....我係咪...永遠都要活係黑暗之中....

一時間真係好難接受到呢個事實.....

我忍唔住失聲痛哭，lucius見狀即刻拎紙巾幫我抹翻啲鼻涕眼淚。

「你做咩要救我？我地之前....都算係敵人黎..係咪你同mia又有咩陰謀？我而家已經一無所有，我冇野好輸，大不了同你死過。」我始終，係人地口中聽過lucius太多衰野，上次kelvin佢又差啲搞到我毀約，要我相信佢真心想幫我，可以話係無可能。

「因為我同你一樣，同是天涯羅樂琳。我已經一無所有。想害你都害唔到。而家淨翻既，就係呢間之前買落既獨立小屋，之前諗住買黎有病果陣係度休養，估唔到而家變左唯一既淒身之所。」

lucius話語中帶點無奈既意味...佢如果要害我...就應該唔會救翻我。而且我而家仲落魄過佢，真係完全冇利用價值可言。

「你....可唔可以話我知，點解？我知我已經冇任何利用價值。」

「我都唔知...可能覺得你同我一樣，一夜之間變得一無所有。所以，就想幫你。都算係幫自己，落魄時望住你幾慘，就會感覺到我失去既係幾咁微不足道。

我同你一樣，比mia佢搶晒所有野。我既所有物業，資產，甚至我所有簽落黎既合約..全部都比佢搶走晒。連我既惡魔能力，佢都一併奪走。唯一慶幸既，就係呢間僥倖未比佢發現既小屋，同有陪住我落魄既你。」

mia佢....究竟有咩目的？點解佢要偷走我對眼？

「但你係罪有應得！唔係你擅自修改mia記憶，拆散佢同lucy，平時又虐待佢，佢會咁報復你？」

lucius聽到，似乎好震驚，佢一頭霧水咁同我講:

「拿，死貓雖然我食唔少，但我從來冇修改過mia記憶，更加冇打過佢。年幾前係佢自己黎搵我話我細佬成日虐待佢，又四圍偷食，仲求我收留佢。」

唔係掛.....

唔通.....呢兩個男人一直俾佢玩弄於股掌之中？....

「你意思係...全部都係mia既大話？當初係佢主動離開lucy？」如果係真.....我咪一直信錯咗人.....

「mia佢唔係普通人黎，佢係魔界另一個貴族所生出黎既公主。佢既技能就係完美既外表同高度既智慧，所以佢由細到大係魔界都出類拔萃，係所有男人既夢中情人。

果陣佢成日走黎同我同lucifer玩，慢慢我地三個越黎越close，無論做咩事都會一齊。

雖然我果陣都鍾意mia，但我知我細佬更加鍾意佢。所以，我將mia讓比佢，更加撮合左佢地係埋一齊。

之後我地三個係成人禮當日就一齊去人間，mia同我細佬合租一齊住，我就自己搵地方住。本來我一直都有同細佬聯絡，得間接濟下佢，畢竟個傻仔係我由細睇到大。

後來，我係人間發展得越黎越好，同時都越黎越忙，慢慢就同我細佬就斷左聯絡。

大概過左一年左右..原本都有咩聯絡既mia，竟然主動搵翻我，仲約我出黎。我叫佢叫埋細佬出，佢就死都唔肯，要單獨約我出黎。

一出到黎就不停咁喊，向我吐苦話我細佬對佢點唔好，仲話想我收留佢。」

聽到呢到，我忍唔住問:「你唔係有讀取記憶既能力咩?點解唔用?」

佢苦笑左一聲，「因為我地三個係朋友。我地曾經應承過大家，唔可以係對方身上用咒。所以，當時佢講咩我都信。

之後佢搵我既次數越黎越頻密，但每一次我都拒絕收留佢既要求，畢竟佢係我細佬既女人，佢倆個既野我唔想介入太多。而且mia一直要求我要保密單獨見面既事。佢話，lucifer知道佢單獨見我，實會誤會以為佢勾佬，然後又會虐打佢。而且每次見親佢，身上總會出現新既傷痕。

我曾經好多次想去搵細佬攤牌，個mia話唔想冇左佢地之間既感情，又話唔想因為佢破壞我地既兄弟情。

每次聽到我個心都好嬲....當時我覺得，mia佢咁善良.....但我細佬竟然咁對佢.....

直到半年前左右.....

同時係所有野既轉捩點.....

當時我係屋企處理緊公事既時候，mia佢.....拎住lucifer雙眼黎我屋企搵我.....」

聽到呢度...我個心已經涼左一截...

mia佢...係自己決定擺走lucy雙眼，令佢痛不欲生。但又巧妙咁，將責任全數推卻比lucius。

lucius真係食左好大隻死貓。

「我見到lucifer對眼，我都呆左....點解我細佬對眼會係佢手上...

要偷走惡魔既能力絕對唔容易，除非成功獲得惡魔絕對既信任，先可以有機會落手。一個惡魔失去能力，等同置佢於死地一樣....

當時mia見到我，就衝過黎攞住我，成隻受驚既小羊一樣，非常可憐，激發左我既保護慾。佢露出身上多處傷口，每一條血紅既傷疤都痛在我心。

佢一路喊，一路同我講當時lucifer點樣虐打完佢之後，重因為眼紅我既成就，所以將怒氣發洩係佢身，話佢係掃把星

...仲話....細佬唔顧佢意願..強姦左佢....所以佢先一下打暈左lucifer，再偷左佢雙眼，話唔想再有下一個女人比佢魅惑到，成為佢既替身...」

我聽完嬲到硬晒，個拳頭。點解啲男人咁撻蠹！人地搖下對波流幾滴眼淚就咩都信晒！重有呀，拍得拖搞野都算強姦？咩logic黎，條女睇得台劇多上腦？！

「當時我見到佢為左lucifer受左咁多委屈，我完全喪失左理智。當時佢話，無論如何都要阻止我比lucifer登上皇位，佢一路喊到腫晒咁求我...我實在....吞唔到呢啖氣，就應承左佢。」

原來件事既真相係咁.....

「之後你地就合作一齊上位，重處處為難我同lucy..因為你應承佢唔比lucy登上皇位..唔怪得你想從我身上入手，唔比任何人幫佢....」我開始理解之前lucius為難我既動機。

如果lucius既故事係真....咁mia點解又會背叛翻lucius，重新去搵翻lucy....我真係猜唔透佢有咩目的..

「都係我...其實我冇lucifer咁易信人。當時我都一直淨係比個地方佢住，再安排下啲瑣事比佢做。但佢執意要用細佬隻眼，話幫我收集靈魂。我一直想佢過得舒服啲，想比佢換翻佢自己隻眼舒舒服服過下少奶奶生活。

所以上次我先同你開條件想比翻隻眼細佬，畢竟，我知魔鬼無左能力係好痛苦...lucifer已經經歷左一段時間既折磨，都算懲罰夠我細佬...

再加上我當時收集既靈魂數量已經超越左細佬幾倍，皇位的確已經十拿九穩....

點知上次你簽約，mia就衝入黎趕走你，堅決話唔讓對眼出去，情緒重好激動。所以當時我就廢是刺激佢，打算遲下再睇下點做。

可惜，我聰明一世，糊塗一時。

一直我都同mia保持朋友既距離...始終，佢係我細佬既女人，無論如何我都唔想打佢主意。

但個幾月前.....佢竟然主動咁攬住我，向我表白.....果下我的確係心動左，10幾年黎，我既目光都有離開過佢....

但同時因為咁...我比佢魅惑左....結果落得如斯田地。」

聽完都有啲為lucius難過，其實佢個心好錫佢細佬...但同時都好愛mia。周旋係呢段三角關係入面，佢既處境應該好痛苦。

「但係...上次lucy比聖水整到就死，你點解見死不救，重比份合約我？」

佢打開櫃桶拎左啲野放係我手上...

我摸到....係惡魔復原果實....

「我認，當時我認為重有10幾日，想拖下等你應承我幫我。但之後就到期限你都未搵我，我已經諗住幫mia還原翻對眼，再拎自己啲血同果實去救佢。

點知...我點估到你又會真係傻到為lucifer摘果實...重要搞到自己咁...老實講，我開始幾欣賞你。

後來我想救細佬既時候，mia就已經搶走晒我既能力。」

呢個哥哥真係.....

明明着緊個細佬...又係度扮唔緊...

## 15. 一無所有

佢一路講，一路苦笑...lucius已經輸晒所有野。愛人同兄弟，一夜間已經通通冇晒，得翻我呢個一樣可憐既人陪住佢。

「其實當時mia拎走我既能力之後，我已經覺得佢下一個目標有可能係你。到我趕去醫院既時候...都係遲左一步。」

邊個會諗度，曾經既敵人，而家竟然會落魄到係呢個小小既空間，陪住自己既只有對方.....曾經最痛恨既敵人，都係呢一瞬間，兩敗俱傷，反而因為咁睇到以前比仇恨蓋過既一面，我地都只係為左自己想保護既人，先變左另一個樣。原本既我地，曾經係咁天真，一樣為左愛既人不惜付出一切代價。或者，係第二個平行世界，我同lucius可能做到朋友都唔定。

只係過左一個月，但我而家.....已經變成冇用既廢人.....點都好，lucius今次始終對我有恩....而家我都搵唔到其他人幫忙...連最簡單既生活自理都要靠佢...

之前同佢既恩怨，過左去，我都唔想再提....

「Lucius,你之前話...mia對眼係可以還原。姐係佢對眼仲係你度？」

lucius一邊幫我調較翻好個床位等我坐得舒服啲，一邊答我:「係。我一直有保存好係我身邊。不過佢本來對眼係冇特別能力，反而佢搶走你既眼，就有lucifer比你既魅魘能力。呢個都有機會係佢拎你對眼既原因。

你而家同我一樣，只係個完全冇能力既凡人。」

「咁講法...mia咪有齊你同lucifer既能力？再加上佢高度智慧同美貌....呢個世界真係會比佢玩晒....係呢，咁我而家用mia雙眼得唔得？」我抱住一絲希望問佢。

但lucius話，要放翻隻眼落我度，以佢凡人既能力未做到住...除非佢有翻佢既能力.....

而家，我地兩個傷殘人士，根本對mia完全冇辦法。

我突然間諗起lucy...佢而家點？

「lucius，帶我去搵lucy..佢係咪已經冇事？我要見佢，我知佢一定會幫我！」

「林美玉...佢仲生勾勾係度，只係你為左佢昏迷左成個幾月，lucy都冇向我打聽過你既下落...唔係話嚇你，你最好有心理準備，mia好有可能已經修改左佢既記憶。」

其實....我都冇打算爭翻啲咩...我都仲有小小錢收埋係我個海外戶口，足夠我地係度過一段長時間...」

mia....會修改佢記憶....？

我同lucy一齊過既所有事....得翻我一個記得？唔得....我接受唔到！

我唔甘心！我努力左咁耐！我唔甘心...

「Lucius,帶我去搵lucy....求下你....而家得你幫到我....」我摸黑捉住lucius隻手，苦苦咁哀求佢。

「唉，我都預左，你唔撞過板又點會心息。拿，我有預感唔會有咩好事發生，帶你去都得，你自己要比翻啲心理準備。」

我含淚點頭答應，無論結果係點，我都一定要見到佢一面。

「喂..我而就車就得翻部豐田，不過...我唔識揸..」

「屌，又話一無所有，又有車又有樓？！」我忍唔住串佢兩嘴，我捱生捱死單車都買唔到部。

「咁我之前住半山，成幾億物業，家下得翻海外銀行果百幾萬，咁都唔算一無所有呀？重有呀，我連自己既能力都冇埋，要幾多人間既錢都冇意思啦。」

我屌....睇黎我由出世就冇擁有過任何野。

「你之前間屋泊左咁多車但你冇車牌？」

luciu好尷尬咁話：「之前我有司機...」

唉，做生意佢就叻，揸車呢啲車都係我在行，阿姐我之前考車牌都係1 take過。我而家重有一隻腳勉強郁得，忍住痛出力踩油應該唔係問題...而且雙手都已經活動到..

「你，做我對眼。我揸。」

就係咁，lucius搬左我出屋放左我入司機位，佢就坐係我隔離令我指揮。我講左我屋企地址比佢知，佢就負責睇路同gps。

「聽講人間既女人揸車等同馬路c4，估唔到我今日有幸見識到..」Lucius似係興奮多過諷刺我。

「記得，提我幾時轉彎，幾時停車，全部都要講得清清楚楚。我條命冇take two，而且我唔想同你死埋一齊。」

lucius應左我之後，佢就幫我擰匙開引擎，我就開始踩油向前行。其實行左幾步已經有小小手心出汗，我呢世人應該冇咩痴得過盲住黎揸車。

「左轉90度！」lucius開始落指令。

我即刻向左扭軚盤。

「砰！」一下猛烈既衝擊又撞到我盆骨就黎移多次位。

「我屌你老母又話向左90度！點解會撞柱嫁！」

lucius開始唔好意思咁偷笑住講：「sorry囉...一時唔記得點分左右..見你你撞到個人飛起左下個樣....屌..

..好燃好笑sor...」

屌你老母弱智仔，比佢之前啲員工知道呢個曾經坐擁幾憶既老細連左右都唔識分會點！

「伸你兩隻手出黎。」

lucius即刻伸出兩隻手出黎，我摸一摸再捉住佢隻右手，一下大力咬落去，直到我feel到有血味我先停左落黎。

「拿，以後有疤隻手就係右手，知冇？」我冇理lucius痛到嘶叫既聲，繼續開車。

「右轉45度！」

「前面50米停車！」

「綠燈行得！」

「前面係高速公路！」

就係咁，我地兩個人，兩隻眼，互相合作，佢認真指揮之後指示非常清晰，成程車都好安穩冇咩亂子。隊友黎計佢都算幾醒目可靠。

「前面50米有得泊車....而家..左轉45度慢駛入去。」估唔到，我地竟然可以成功揸翻黎我屋企樓下，仲可以黎個完美泊車...呢單野真係拎黎做表演唔係講笑，放上youtube分分中紅過果啲咩春細j，笑提子啦！

落車之後，lucius慢慢扶翻我上樓..我既心情越黎越緊張....

lucy....我等左呢日....好耐....

好耐.....

我係lucius既攙扶下慢慢咁，一步一步行出。

「我住2105，lucy住2104...佢有冇開住門等我？」我充滿期待咁問lucius。

佢沉默左好耐...冇應我。

「Lucius?」

「2104已經....空置左...上面貼住招租....」

.....

我冇聽錯掛.....空置左？lucy佢搬走左？

點解.....



「可能...但係我屋企入面等緊我...快啲拎地毯下面條鎖鑰入去！佢一定買左兩個麥記加大等緊我！」

我聽到lucius執起鎖鑰，大門開啟既聲隨即傳入耳中...

我一拐一拐咁急步行入去，走左右兩步已經踢到個樽....好似係個幾兩個月前，細佬買埋我啲野飲...我有啲重放係地下未收拾好。

「林美玉，呢度除左我地，冇其他人。」lucius扶我坐翻落梳化之後，開始係我屋企四處搜索。

點解會咁...我一直以為....佢會我一樣..一直等我翻黎救佢...點知..

佢可能...根本已經忘記左我....

佢既世界，可能從來冇林美玉呢個人.....究竟我之前咁努力，係為左啲咩野？

淨翻一個我既記憶....我唔想要....我唔想咁樣....

我個心...好難受.....眼淚控制唔到咁一直流出.....

「喂，林美玉，你眼層紗布又紅晒啦....你啲眼淚溝埋血咁流出黎，等陣出翻去嚇親人呀...」lucius見到我崩潰痛哭，都忙住係我的屋企搵紙巾抹翻乾淨我啲眼淚鼻涕。

「喂..你擺啲咩抹落我塊面度，咁臭既？」佢一直抹我一直聞到塊毛巾有臭味。

「我見到你個茶几上面有條手巾仔咪拎黎抹囉...」

.....

「條毛巾....係咪綠色有間條花紋果條....」

「嗯，都幾骨子嗰個設計，哈哈。」

.....

「呢條毛巾.....

係拎黎抹我屋企屎坑啲漬.....

你個含家產唔怪得我成塊面屎味！

屌你老母！！」

lucius個仆街聽完之後笑到收唔到聲....

重一直將條毛巾擲過黎....比佢搞搞下頭先難過到想死既心情都變得輕鬆翻小小。

好彩...上天呢個時候安排翻lucius呢個落難人過黎陪住我...

有佢陪住，起碼我都重未去到一無所有。

最起碼.....

重有一個咁既白痴可以比我鬧下..

「手機...lucius，幫我睇下，我想知lucy同刀仔有冇搵過我。」

我將身上既手機遞比lucius，佢望一望之後話:「除左你細佬之外，冇人搵過你。」

係啲...我唔見左個幾月，細佬實我擔心我。

「我幫你覆左話你去左出trip，放心啦，我做人呀哥好明驚細佬擔心既心情。」好彩有lucius，而家我盲左，手機對於我而言等同廢物一樣，想打比人都有困難。

「你幫我wtsapp埋刀仔同lucy好冇？我想知佢地點解唔聯絡我？」

Lucius聽到之後就幫我wtsapp左佢兩個。

過左一陣，已經聽到msg回覆既提示聲。

「我細佬冇覆你.....  
個刀仔就...覆話附近有7仔..咩意思？」

屌....個衰仔當左我係點數雞...睇黎佢都比mia修改左記憶。

「lucius.....我地係咪...已經冇得翻身？」我好絕望咁問佢，所有我信任既人....連刀仔都.....

已經再冇人記得我....

「你知唔知做生意最成功既要素係咩？」Lucius 突然咁問我。

「我就發左達啦。」

「聽住啦死窮攞，係你條命！一日你條狗命重係度，只要重有一口氣，所有野都有機會翻身！

拿！

我地兩個拍硬當，我洗車，你揸車，一齊再重新收集晒啲靈魂翻黎，幾有前途呀！

我敢肯定...如果我地可以短期內收集大量既靈魂，mia一定會驚我坐上皇位而主動過黎搵我地。」

係啲...如果最後lucius出乎佢意料咁咸魚翻生，再次收集大量靈魂打低lucifer坐上皇位既話，到時mia一定會出手做我地，咁我地就可以知道佢地既行蹤。

「mia將我辛辛苦苦儲落既合約，大根800份左右據為己有，加埋我細佬應該有600份左右。我地一定要短期內簽起碼1500份約，先可以引到佢地蒲頭。」

「1500份.....？當初我捱生捱死，一星期先得3份....」我的確比個數字嚇親。

「作為一個白手興家既商人，nothing is impossible.  
陳刀仔都廿蚊贏到二千五百萬啦，我點解做唔到？  
今晚一於開始計劃！」

lucius咁快可以回復翻自信，的確驚人...明明頭先先話唔係想爭翻啲咩...不過見佢咁有衝勁，又真係感染到我都有翻啲活力。

好！死八婆mia！我一定會比lucy睇到你幾咁仆街既一面！